

四庫全書

子部

欽定四庫全書

子部

蘭臺軌範

目錄
卷一

詳校官太醫院使臣張聲基

洗馬臣王坦修覆勘

總校官庶吉士臣何思鈞

校對官助教臣羅萬選

謄錄監生臣倪景寬

欽定四庫全書

子部五

蘭臺軌範總目

醫家類

卷一

通治方

卷二

風

痺歷節

痿

厥

虛勞

消症

附強中

卷三

傷寒

百合

感冒

寒熱

霍亂

附轉筋

瘧

癰閉利淋

卷四

濕

喝

痰癰

痢

癲狂癇

痰飲

咳嗽

附肺
脹

疝

卷五

喘

臍脹水腫

肺痿

附肺
癰

諸血

噎膈嘔吐

附關
格

泄瀉

卷六

積聚癥痞

蟲

附狐
惑

諸痛

頭心胃
腰腹

脚氣

附轉
筋

卷七

疫癘鬼症

諸疸

附黃
汗

情志卧夢

五竅病

耳目鼻
口齒

雜病

卷八

婦人

小兒

臣等謹案蘭臺軌範八卷

國朝徐大椿撰大椿持論以張機所傳為主謂
為古之經方唐人所傳已有合有不合宋元
以後則彌失古法故是編所錄病論惟取靈
樞素問難經金匱要略傷寒論隋巢元方病
源唐孫思邈千金方王燾外臺秘要而止所
錄諸方亦多取於諸書而宋以後方則采其
義有可推試多獲效者其去取最為謹嚴每
方之下多有附註論配合之旨與施用之宜

於疑似出入之間辨別尤悉較諸家方書但
云主治某症而不言其所以然者特為精密
獨其天性好奇頗信服食之說故所註本草
於久服延年之論皆無所駁正而此書所列
通治方中於千金鍾乳粉局方玉霜圓之類
金石燥烈之藥往往取之是其通中之一蔽
觀是書者亦不可不知所短焉乾隆四十三
年三月恭校上

總纂官臣紀昀臣陸錫熊臣孫士毅

總校官臣陸費墀

同封

蘭臺軌範原序

欲治病者必先識病之名能識病名而後求其病之所由生知其所由生又當辨其生之因各不同而病狀所由異然後考其治之之法一病必有主方一方必有主藥或病名同而病因異或病因同而病症異則又各有主方各有主藥千變萬化之中實有一定不移之法即或有加減出入而紀律井然先聖後聖其揆一也自南陽夫子以後此道漸微六朝以降傳書絕少迨唐人外

臺千金不過裒集古方未能原本內經精通病變然病
名尚能確指藥味猶多精切自宋以還無非陰陽氣血
寒熱補瀉諸膚廓籠統之談其一病之主方主藥茫然
不曉亦間有分門立類先述病原後講治法其議論則
襍亂無統其方藥則浮泛不經已如雲中望月霧裏看
花彷彿想像而已至於近世則惟記通治之方數首藥
名數十種以治萬病全不知病之各有定名方之各有
法度藥之各有專能中無定見隨心所憶姑且一試動

輒誤人余深憫焉茲書之所由作也本內經以探其源
次難經及金匱傷寒論以求其治其有未備者則取六
朝唐人之方以廣其法自宋以後諸家及諸單方異訣
擇其義有可推試多獲效者附焉庶幾古聖治病之法
尚可復覩使學者有所持循不至傍徨無措至於推求
原本仍當取內經金匱等全書潛心體認而後世之書
亦當窮其流派掇其精華摘其繆誤而後此書之精意
自能融會貫通而心有實獲則變化在我矣乾隆二十

九年四月洄溪徐大椿書於吳山之半松書屋

凡例

一每病先叙病原首內經次金匱傷寒次病源千金外
臺宋以後亦間有採者前人已有之論則後者不錄
若一病之中為病不一則即詳著於總名之下不復
另立病名方之次第亦然

一一病必有一方專治者名曰主方而一病又有幾種
每種亦各有主方此先聖相傳之法莫之能易也俱
載本病之下其有此病之主方而他病亦可用者則

他病下祇載方名并治法註云見某病門以便翻閱
一專治一病為主方如一方而所治之病甚多者則為
通治之方先立通治方一卷以俟隨症揀用變而通
之全在乎人服食養生皆在其中矣

一金匱諸方非南陽所自造乃上古聖人相傳之方所
謂經方是也此乃羣方之祖神妙淵微不可思議分
載於各症之下學者當精思熟識以為準的

一傷寒一科宜將傷寒論諸條字字體認其一百十三

方亦當字字參悟余已將一百十三方編成類方一書矣此書無病不載豈可獨遺傷寒故畧取六經主病之方隨症分錄其外諸方兼治雜病者俱分載各症條下蓋傷寒諸方當時本不專治傷寒南陽取以治傷寒之變症耳學者當合金匱傷寒兩書相參並觀乃能深通其義而所投輒效矣

一後世諸方其精實切病者皆附於古方之後其有將古方增減一二味即另立方名者殊屬僭妄蓋加減

之法稍知醫理者皆能之若易一二味即自名一方則方名不可勝窮矣今一概不錄或有禱藥竒法據稱得之秘傳而其理不可解則有效有害皆未可知一概不錄或方中有難得之藥及無人能識之藥并違禁之藥如胎骨之類一概不錄其有飛鍊禁咒等方既乏師承又屬渺茫一概不錄至於大藥重劑藥品既多修治艱鉅此乃服食之大藥非救病之急劑學者平時查考以廣見聞可也一概不錄學務窮經志切

師古不尚奇功祇求實效此書之志如是而已

一凡事最忌耳食孔子所謂道聽而塗說也如治浮火者當引火歸元乃指腎臟虛寒火不能納非治實火及別臟之火也如類中風用地黃引子乃治少陰純虛之痲症非治風火痰厥之中風也如暑天用大順散乃治夏日貪冷中寒之症非治暑熱正病也如大便不通用蘆薈丸乃治廣腸堅結諸藥不效之病非治津枯液燥之病也虛勞用建中湯乃治陽虛脉遲

之症非治陰虛火旺之症也近人耳聞有此數方並不細審病因惘然施用受禍必烈集中俱為標出此外不止一端學者所當痛省

一通天地人之謂儒百家藝術皆士大夫所宜究心況疾病乃身命所關豈可輕以諉人此集溯本窮源簡括明備人人易曉病者醫者對症尋方互相考証則是非立辨不致以性命輕擲未始非衛生之一助云

欽定四庫全書

蘭臺軌範卷一

吳江徐大椿撰

通治方

雖云通治亦當細切病情不得籠統施用也

小建中湯

金匱

虛勞裏急悸衄腹中痛夢失精四肢痠

疼手足煩熱咽乾口燥此湯主之

桂枝

三兩
去皮

甘草

三兩
炙

大棗

十二
枚

芍藥

六兩

生薑

三兩

膠飴

一斤

右六味以水七升煮取三升去滓內膠飴更上微火

消解溫服一升日三服

此方治陰寒陽衰之虛勞正與陰虛火旺之病相反庸醫

誤用害人甚多此咽乾口燥乃津液少非有火也

黃芪建中湯

金匱

虛勞裏急諸不足者主之

於小建中湯內加黃芪一兩半餘依前法

大建中湯

治內虛裏急少氣手足厥冷小腹攣急

或腹滿弦急不能食起即微汗陰縮或腹中寒痛不堪口乾精出或手足乍寒乍熱而煩冤酸痛不能久

立

黃芪

當歸

桂心

芍藥

人參

甘草

錢各一

半夏

炮

黑附子

錢炮各二半

右藥每服五錢加薑三片棗二枚煎服

此非金匱大建中湯金匱

方入腹痛門桂心也

此方兼治下焦虛寒之症不但建立中宮

炙甘草湯

傷寒論一名復脈湯

治虛勞不足汗出而悶脈結悸行

動如常不出百日危急者十一日死

甘草

四兩

桂枝

生薑

各三兩

麥門冬

半斤

麻仁

半

斤阿膠

人參

各二兩

大棗

三十枚

生地黄

一斤

右九味以酒七升水八升先煮八味取三升去滓內

膠消盡溫服一升日三服

此治血脈空竭方用酒所以和血脈凡脈見結悸

者雖行動如常亦不出百日必死若復危急不能行動則過十日必死語極明白從前解者多誤

八味地黄丸

崔氏

虛勞腰痛少腹拘急小便不利者主

之又婦人病飲食如故煩熱不得卧而反倚息者此
名轉胞不得溺也以胞系了戾故致此病但利小便
則愈此亦主之

乾地黄

八兩九蒸為度搗膏

乾山藥

山萸肉

各四兩

丹皮

白茯苓

澤瀉

各三兩

桂枝

附子

各一兩

右八味為末煉蜜丸如桐子大酒下十五丸日再服

此方亦治脚氣乃驅邪水以益正水之法也此方專利小便水去而陰不傷扶陽而火不升製方之妙固非一端但近人以此一方治天下之病則又大失此方之義矣

資生腎氣丸

治肺腎虛腰重脚輕小便不利或肚

腹腫脹四肢浮腫或喘急痰盛已成蠱症

於前八味丸加車前子牛膝各一兩餘依前法

六味地黃丸

錢氏

治腎陰不足發熱作渴小便淋閉氣

壅痰嗽頭目眩暈眼花耳聾咽乾舌痛齒牙不固腰
腿痿軟自汗盜汗便血諸血失音水泛為痰血虛發
熱等症

於前方去肉桂附子餘依前法

此方錢氏
專治小兒

當歸生薑羊肉湯

金匱

治產後腹中疝痛并治腹中寒

疝虛勞不足

當歸

三兩

生薑

五兩

羊肉

一斤

右以水八升煮取三升溫服七合日三服若寒多者
加生薑一斤痛多而嘔者加陳皮二兩白朮一兩
如加生薑等者亦加水五升煮取三升二合服之精
足者補之以
味此方是也

竹葉石羔湯

傷寒論

治傷寒解後虛羸少氣氣逆欲吐者

竹葉

二把

石羔

一斤碎

半夏

半斤洗

人參

三兩

甘草

二兩炙

麥門冬

一升去心

粳米

半升

右七味以水一斗煮取六升去滓內粳米煮米熟湯

成去米溫服一升日三服

集驗載此方加生薑治嘔最良此治三陽餘熱未

盡凡大病之後必有留熱總宜清解後人俱概用峻補以留其邪則元氣不能驟復愈補愈虛矣亦

治傷暑發渴脉虛

暑病有虛熱者宜之若吐逆昏亂之症則大誤矣

脾約丸

金匱即麻仁丸

治腸胃熱燥大便秘結

麻仁

五兩另研

大黃

一斤蒸焙

厚朴

薑炒

枳實

麩炒

芍藥

五兩炒各

杏仁

五兩半

右為末蜜丸梧子大臨睡用白湯送下二十九大便

利即止

此潤腸之主方

四君子湯

治面色痿白言語輕微四肢無力脉來

虛弱者若內傷虛熱或飲食難化須加炮薑

人參

白朮

茯苓

甘草

各二錢

右加薑棗水煎服

此補脾之方

五味異功散

錢氏

調理脾胃

於四君子湯加陳皮一錢為末每服二錢白湯調服

七味白朮散

治一切吐瀉煩渴霍亂虛損氣弱保

養衰老及治酒積嘔噦

於四君子湯加藿香半兩葛根一兩木香二錢半為末每服二錢白湯調下

六君子湯

治氣虛有痰脾虛膨脹

即前方加陳皮半夏餘依前法更加藿香砂仁為香砂六君子湯

獨參湯

治元氣大虛昏厥脉微欲絕及婦人崩產

脫血血暈

人參

分兩隨人隨症

右一味須上揀者濃煎頓服待元氣漸回隨證加減

此一時急救之法服後即當隨症用藥

參附湯

治陰陽血氣暴脫證

人參

一兩

附子

製五錢

右加薑棗水煎服

此亦急救之方

本方去人參加黃芪名芪

附湯

保元湯

黃芪

三錢

人參

二錢

甘草

一錢

肉桂

春夏二三分
秋冬六七分

右四味水煎服

氣血虛寒者用之純虛寒之症症亦用此乃宋以後之方故肉桂止用

二三分以為氣分引

藥乃厚桂非桂枝也

生脉飲

醫錄

治熱傷元氣氣短倦怠口渴出汗

人參

五錢

麥門冬

五味子

各三錢

右三味水煎服

此方傷暑之後存其津液庸醫即以之治暑病誤甚觀方下治症並無一

字治暑邪者

此即於復脉湯內取參麥二味以止汗故復加五味子近人不論何病每用此方收住邪

氣殺人

無算

歸脾湯

濟生

治思慮傷脾或健忘怔忡驚悸盜汗寤而

不寐或心脾作痛嗜卧少食及婦女月經不調

人參

龍眼肉

黃芪

各二錢半

甘草

五分

白朮

二錢

半 茯苓

二錢半

木香

五分

當歸

酸棗仁

炒研

遠志

各一錢

右加薑三片水煎服

補脾有二法一補心以生脾血一補腎以壯脾氣此方乃心脾

同治之法補後天以生血即所以調經

補中益氣湯

東垣

治陰虛內熱頭痛口渴表熱自汗不

任風寒脉洪大心煩不安四肢困倦懶於言語無氣

以動動則氣高而喘

黃芪

炙

人參

雲朮

炒各一錢五分

甘草

炙一錢

陳皮

五

分當歸一錢

升麻

柴胡

各五分

右八味加生薑三片大棗二枚水煎溫服

東垣之方一椀以升

提中氣為主如果中氣下陷者最為合度若氣高而喘則非升柴所宜學者不可誤用也

虎潛丸

丹溪

治腎陰不足筋骨痿不能步履

龜板

黃柏

各四兩

知母

熟地

各三兩

牛膝

三兩五錢

鎖陽

虎骨

當歸

各一兩

芍藥

一兩五錢

陳皮

七錢五分

冬月加熟薑 五錢

右為末煮羯羊肉搗為丸桐子大淡鹽湯下

痿症皆屬於熱

經有明文此方最為合度後人以溫補治痿則相反矣痿症又有屬痰濕風寒外邪者此方又非所宜

資生丸

治婦人妊娠三月脾虛嘔吐或胎滑不固

兼丈夫調中養胃饑能使飽飽能使饑神妙難述

人參

三兩

茯苓

二兩

雲朮

三兩

山藥

二兩

薏仁

一兩半

蓮肉

二兩

芡實

一兩半

甘草

一兩

陳皮

麥蘖

神麴

各二兩

砂仁

一兩半

白豆蔻

八錢

桔梗

一兩

藿香

一兩

兩川黃連

四錢

白扁豆

山查

各一兩半

右十八味為細末煉蜜丸彈子大每服二九米飲下

此方治懷孕氣阻用兼消兼補之法意亦可取今人不論何因為總治脾胃之藥則失製方之義矣

藥

味太穢全無法度姑存之以備一格

龜鹿二仙膠

大補精髓益氣養神

鹿角

血者十斤

龜板

自敗者五斤

以上二味另熬膏

枸杞子

甘州者三十兩人參

十五兩

右用鉛鐔如法熬膠初服酒化一錢五分漸加至三

錢空心下

精不足者補之以味而龜鹿又能通督任填補之法此為最穩

三才封髓丹

實鑑

除心火益腎水滋陰養血潤補不燥

天冬

熟地

人參

各五錢

黃柏

三兩

砂仁一兩

甘草

炙七錢

右為末麵糊丸梧子大每服五十丸用從蓉半兩切

作片酒浸一宿次日煎三四沸空心食前送下

此補陰氣

之方虛人老人便結者為宜

七寶美髯丹

邵應節

補腎氣烏鬚髮延年益壽

何首烏

赤白雌雄各一斤

牛膝

八兩以何首烏先用米泔水浸一日夜以竹刀刮去粗皮

切作大片用黑豆鋪甑中一層却鋪何首烏一層每鋪豆一層却鋪牛膝一層重重相間上鋪豆覆之以

豆熟為度去豆晒乾次日如前破故紙半斤酒浸洗用生豆蒸如法蒸七次去豆用

同炒無聲為當歸半斤去頭白茯苓半斤用人乳拌慶去芝蔴尾酒洗

赤茯苓

半斤黑牛乳浸晒乾蒸

菟絲子

半斤酒浸一宿洗晒乾蒸晒三次

枸杞

子

半斤去蒂枯者

右共為末蜜丸龍眼大每日空心嚼二三丸溫酒或

米湯白鹽湯皆可下製法不可犯鐵器

此補腎血之方

無比山藥丸

千金

治丈夫久虛百損五勞七傷頭痛目

眩支厥或煩熱或脾疼腰腕不隨飲食不生肌肉或少食而脹滿體無光澤陽氣衰絕陰氣不行

熟地

酒浸

赤石脂

巴戟

去心

茯苓

牛膝

酒

浸山茱萸肉

澤瀉

各三兩

乾山藥

二兩

五味子

六

兩肉苁蓉

酒浸四兩

兔絲子

杜仲

炒各三兩

右藥煉蜜丸桐子大每服二十丸至三十丸食前溫酒或米飲下服七日後令人身健體潤面光音響為

驗此藥通中入腦鼻必酸疼勿怪

此收攝腎氣之方最為穩妥

還少丹

楊氏

大補心腎脾胃虛寒飲食少思發熱盜汗

遺精白濁及真氣虧損肌體羸瘦肢節倦怠等症

山藥

牛膝

遠志

山萸肉

茯苓

五味子

楮實子

巴戟

酒浸去心

肉蓯蓉

酒浸一宿

石菖蒲

杜仲

薑汁酒同拌炒

茴香

各一兩

枸杞子

熟

地

各二兩

右共為細末煉蜜同棗肉為丸梧子大每服三十九

溫酒或鹽湯下日三服

此交通心腎之方

羊腎丸

治腎勞虛寒面腫垢黑腰脊引痛屈伸不

利夢寐驚悸小便不利

熟地

杜仲

兔絲子

另研

石斛

黃芪

續斷

肉桂

牛膝

磁石

煨醋淬

沉香

五加皮

山藥

炒各一兩

右為末雄羊腎兩對以葱椒酒煮爛入少酒糊杵丸

梧子大每服七十丸空心鹽湯送下

此降納腎氣之方

羊肉粥方

養老書

治老人虛損羸瘦助陽壯筋骨

羊肉

二斤

黃芪

一兩生用

人參

二兩

白茯苓

一兩

大棗

五

枚

粳米

三合加生薑少許尤佳
入核桃去痘氣亦可

右先以肉去脂皮取精脊肉留四兩細切餘一斤十

二兩以水五大盞并黃芪等煎取汁三盞去滓入米

煮粥臨熟下切生肉更煮入五味調和空心服之

此古

人服食

之方也

三才丸

潔古

治脾肺虛咳嗽

人參

天門冬

地黃

各等分

右為末煉蜜丸空心服

此方與嗽症非宜必上下純虛而不嗽者可用

天王補心丹

道藏

治心血不足神志不寧津液枯竭健

忘怔忡大便不利口舌生瘡等證

人參

白茯苓

元參

桔梗

遠志

各五

錢當歸

五味子

麥冬

天冬

丹參

酸棗仁

各一兩

生地

四兩

柏子仁

一兩

右為末煉蜜丸如椒目大白湯下

此養心之主方

一方有石

菖蒲四錢無五味子一方有甘草川連

秘方補心丸

治心虛手振

當歸

一兩五錢

川芎

粉甘草

各一兩

生地

一兩半

遠志

二兩

半

棗仁

炒

柏子仁

去油各三兩

人參

胆星

硃

砂

另研各五錢

金箔

二十片

麝香

一錢

琥珀

三錢

茯苓

七錢

石菖蒲

六錢

右為末餅糊丸萊豆大硃砂為衣每服七八十九吐

津嚥下或薑湯送下

此心神恍惚而有痰者宜之

黑地黃丸

治陽盛陰衰脾胃不足房室虛損形瘦

無力面多青黃而無常色此補腎益胃之劑也

蒼朮

一斤油浸熟地一斤

五味子

半斤

乾薑

秋冬一兩夏五錢春七錢

右為末棗肉丸梧子大食前米飲服百丸治血虛久

痔甚妙

按此治脫血脾寒之聖藥乾薑當泡淡炒黑用

元精丹

北方黑氣入通於腎開竅於二陰藏精於

腎味鹹其類水其病在骨此藥主之

血餘

自己髮及父子一本者及少壯男女髮揀去黃白色者用灰湯洗二三次以大皂角四兩捶碎

煮水洗淨務期無油氣為佳將髮扯斷晒乾每洗髮一斤用川椒四兩揀去梗核於大鍋內髮一層椒一層和勻以中鍋蓋鹽泥固濟勿令泄氣桑柴火慢煮三炷香即退火待冷取出約重四兩有餘於無風處研為

何首烏

製法如前上實美髯丹法取淨末一斤

黑芝蔴

九蒸九晒取淨

末八兩

女貞實

四兩

破故紙

炒取淨末四兩

生地

酒浸杵膏入藥

熟地

同上製各八兩

旱蓮艸

桑葚

各取淨汁熬膏各四兩

胡桃仁

二兩研膏

膠棗

二兩研膏

槐角子

八牛胆內百日四兩

右以藥末和諸膏和勻加煉蜜一斤入石臼杵千餘下為丸梧子大每服六十九空心用首烏釀酒二三

杯送下日三服

諸品皆色黑之藥專補腎血此治便後脫血之神方也

青州白丸

局方

治一切風及小兒驚風婦人血風大人

頭風

南星

三兩

白附子

二兩

半夏

七兩

川烏

半兩各生用

右為細末放磁器中日晒夜露春五夏三秋七冬十

日以糯米粉煮粥九薑湯下風症溫酒下驚風薄荷

湯下

此四味宜水研取漿澄粉晒露七日去水作丸此治風痰之要藥

指迷茯苓丸

治中脘留伏痰飲臂痛難舉手足不

得轉移

茯苓

二兩

半夏

一兩

枳殼

半兩

風化硝

二錢半

右為末薑汁和丸桐子大每服三十丸薑湯下

按方極和

平而義精效速方內
半夏宜生研澄粉用

威喜丸

局方

治飲食積滯蟲痞脹滿久痢久瘧沉冷積

寒

廣木香

肉豆蔻

各四錢

乾薑

泡炒二錢五分

巴豆

二十粒去皮心

及油杏仁

四十粒去皮尖研

百草霜

五錢加茯苓亦可

右前四味為末入百草霜同研後入杏仁巴豆霜研
黃蠟一兩五錢酒煮一時去酒將蠟入麻油七錢溶
化拌藥研勻乘熱丸如菉豆大每服二三十九用黃蠟之

義最精凡治積新病宜急下久病宜緩下此方治久患寒積之症乃緩下法也

靈砂

局方

治上盛下虛痰涎壅盛最能鎮墜升降陰陽

和五臟助元氣

水銀

一斤

硫黃

四兩

右二味用新鐵銚炒成砂子或有烟焰即以醋洒候

研細入水火鼎醋調赤石脂封口鐵線扎縛懸乾鹽
泥固濟用炭二十斤煨如鼎子烈筆蘸赤石脂頻抹
其處火盡為度經宿取出研為細末糯米糊為丸如
麻子大每服三丸空心棗湯米飲并花水人參湯任
下量病輕重增至五七丸

此鎮墜之藥若用黑
錫丹則此方可不備

二神丸

本事方

治腰痛腎虛全不進食

破故紙

四兩
炒

肉豆蔻

二兩
生

右為末用大棗四十枚生薑四兩同煎糜爛去薑棗

核皮研膏入藥末九鹽湯下

此治腎家有寒濕之方

本方加五

味子吳茱萸各二兩為四神丸

導赤散

錢氏

治心熱口糜舌瘡小便黃赤莖中作痛熱

淋不利

生地

木通

甘草梢

各等分

右三味水煎服

此瀉心火從小腸中出也

亡血脫血方

千金翼

治亡血脫血鼻頭白色唇白去血無

力者

生地黃 十斤

右一味搗以酒一斗絞取汁令極盡去渣微火煎減
半內白蜜五升棗膏一升以攪之勿止令可丸酒服
如雞子一丸日三久服不已老而更少萬病除愈千
金又以此二味加阿膠甘草作煎服亦可用

當歸補血湯

寶鑑

治男婦血虛似白虎証肌熱面赤煩

渴引飲脉來洪大而虛重按則微

當歸 二錢
黃芪 一兩

右二味水煎服

此補表血之方

益血潤腸丸

治津液亡大腸秘老人虛人皆可服

并祛風養血

熟地

六兩

杏仁

炒

麻仁

各三兩以上三味俱搗膏

枳殼

當

歸

橘紅

淨各二兩五錢

阿膠

肉蓯蓉

各一兩半

蘇子

荊芥

各一兩

右為末以前三味膏同杵干餘下仍加蜜丸梧子大每服五六十丸空心白湯下

此脾約丸之變法

芎藭膠艾湯

金匱

婦人有漏下者有半產後因續下血

不絕者有妊娠下血者假令妊娠腹中痛為胞阻膠

艾湯主之

芎藭

阿膠

甘草

各二兩

艾葉

當歸

各三兩

芍藥

四兩

乾地黄

六兩

右六味水五升清酒三升合煮取三升去渣內膠令

消盡溫服一升日三服不差更作

四物湯

局方

治一切血熱血虛血燥諸証

當歸

熟地

各三錢

川芎

一錢五分

白芍

二錢酒炒

右四味水煎服

此血病之主方

八珍湯

治心肺虛損氣血兩虛

即四君子湯合四物湯餘依上法

十全大補湯

局方

治男子婦人諸虛不足五勞七傷不

進飲食久病虛損時發潮熱氣攻骨脊拘急疼痛夜

夢遺精面色痿黃脚膝無力

即八珍湯加桂心陳皮

人參養營湯

局方

治脾肺俱虛發熱惡寒肢體瘦倦食

少作瀉

人參

白朮

茯苓

甘草

黃芪

陳皮

當歸

各一錢

熟地

七分半

白芍

一錢半

桂心

一錢

遠志

五分

五味子

七分半

右十二味加薑三片大棗二枚

此即十全大補湯去川芎加五味遠志黃

芪以生

心血

柴胡四物湯

保命

治日久虛勞微有寒熱脉沉而數

川芎

當歸

白芍

熟地

各一錢五分
當用生地

柴

胡一錢
人參

黃芪

甘草

半夏

各三錢

右為末水煎服

柴胡加入補藥俱不相合獨此為宜
柴胡疎通少陽調和營衛非專於散

風也

兔絲子丸

和劑

治腎氣虛損五勞七傷脚膝痠疼面目

黧黑目眩耳鳴心冲氣短時有盜汗小便數滑

兔絲子

鹿茸

酥炙
去毛

澤瀉

石龍芮

去土淨再
用水洗

桂枝

附子

各一兩

石斛

熟地

茯苓

牛膝

酒浸焙

山萸肉

續斷

防風

杜仲

肉蓯蓉

酒浸焙

補骨脂

酒炒

葶澄茄

巴戟

沉香

茴香

炒各七錢五分

五味子

川芎

桑螵

蛸

酒浸炒

覆盆子

各五錢

右為細末酒煮麴糊為丸梧子大每服三十丸溫酒

下或鹽湯下

此等方不過陰陽兼補之法泛而無統近時補劑盡如此然能多而不雜尚屬

可取

從容兔絲子丸

此方不寒不熱助陰生子

肉蓯蓉

一兩三錢

覆盆子

蛇床子

川芎

當

歸

兔絲子

各一兩二錢

白芍

一兩

牡蠣

鹽泥固煨

烏鰂魚

骨

各八錢

五味子

防風

各六錢

艾葉

三錢

條芩

五錢

右為末煉蜜丸如梧子大每服三四十九鹽湯下早

晚皆可服

此乃婦人溫經之主方也

餌術方

千金翼

生術削去皮炭火急炙令熟空肚飽食之全無藥氣

可以當食不假山糧惟飲水神秘之勿傳

真於術尤佳此服食

之方也

服牛乳方

千金翼

能補虛破氣

牛乳

三升

革撥

半兩末之綿裏

右二味於銅器中水三升和乳合煎取三升頓服日

三七日除一切氣

生地黄煎

外臺

主補虛損填骨髓長肌肉去客熱

生地汁

五升

棗膏

六合

白蜜

七合

酒

一升

牛酥

四合

生薑汁

二合

紫蘇子

一升以酒一升絞取汁

鹿角膠

四兩炙末

右煎地黄等六味汁三分減一內蜜調入膠末候煎成以器盛之酒和服

阿伽陀藥

千金翼

主諸種病及將息服法久服益人神色

無諸病方

此等即所謂海上奇方如紫金錠之類其所治之症皆與本草不相合而確有神驗

真不可

思議也

紫檀

用蘇木亦可

小藥

一名山石榴

茵草

鬱金

胡椒

各五兩

右為末水和內臼中更搗一萬杵九好陰乾用諸

咽喉口中熱瘡以水煮升麻湯下桐子大一丸旦服之諸面腫心悶因風起者煮防風湯服一丸諸四體酸疼或寒或熱麻黃湯一丸諸蠱下部有瘡吞一丸又煮艾槐白皮湯研一丸灌下部諸卒死冷水服二丸諸被壓擣當心帶一丸又水研一丸三服諸被蛇及惡獸等毒以麝香如相思子研藥一丸服并以紫檀磨汁和藥塗患處諸被鬼撓亂失心癲狂艾汁下如無青艾乾艾取汁亦可并隨身帶一丸諸傳尸水

磨雄黃下諸消渴朴硝湯下諸淋水服二九諸疔腫
元參湯下諸卒胸膈熱苦竹葉湯下諸難產以蓀蔣
二七水煮服一九薑黃亦得諸熱瘡大黃取汁服又
以大黃和藥調塗諸吐血若因熱吐者服之並差因
冷吐者菖蒲汁下諸鼻中血刺薊汁下並研灌鼻諸
噎病括薑汁下諸赤白帶下以丹皮刺薊根各二分
煮服 後補法 以地榆桑螵蛸一云桑耳各二分水二
升煮取一升分作二服取汁一合研藥一二九服之

諸藥毒惡忤研服惡瘧常山湯下瘟疫時氣元參湯
下諸蠱疳濕及心風心驚戰悸多忘恍惚嘔吐黃疸
失音風癰臍下絞痛霍亂吐痢小兒驚啼產後血結
並宜服之

玉屏風散

得効

治風邪久留而不散者自汗不止者亦

宜

防風

黃芪

白朮

各等分或
加炒糯米

右為細末酒調服

此能固表使風邪不易
入加牡礪名白朮散

盜汗方 外臺

麻黃根

牡礪

各三錢

黃芪

人參

各三兩

龍骨

枸杞根白皮

各四兩

大棗

七枚

右以水六升煮取二升五合分六服

止汗紅粉

麻黃根

牡礪

各一兩

赤石脂

龍骨

各五錢

右為末以絹袋盛貯如扑粉用之

當歸六黃湯

治陰虛有火盜汗發熱

當歸

生地

熟地

黃芩

黃連

黃柏

等分

黃芪

加倍

右水煎服

凡止汗方內俱可加浮麥大棗

麥門冬湯

三因

治漏氣因上焦傷風開其腠理上焦之

氣慄悍滑疾遇開即出經氣失道邪氣內著故有是症

麥冬

生蘆根

竹茹

白朮

各五錢

甘草

炙

茯苓

各二人參

陳皮

歲莖

各三兩

右九味每服四錢薑五片陳米一撮煎熟服

不論冬夏頭汗

自出謂之漏風

俗名蒸籠頭

二賢散

治積塊進飲食

橘紅一斤 甘草四兩 鹽五錢

右以水煮爛晒乾為末淡鹽湯下有塊加薑黃半兩
同前藥煮氣滯加香附二兩氣虛加沉香半兩另入
噤口痢加蓮肉二兩

逍遙散

局方

治肝家血虛火旺頭痛目眩頰赤口苦倦

怠煩渴抑鬱不樂兩肋作痛寒熱小腹重墜婦人經水不調脉弦大而虛

芍藥

酒炒當歸

白朮炒

茯苓

甘草炙

柴胡

各二錢

本方加丹皮梔子即加味道遙散加煨薑

三片薄荷少許煎服

此疎達肝脾之方

平胃散

東垣

治濕淫於內脾胃不能剋制有積飲痞膈

中滿者

蒼朮

五斤米泔浸七日

陳皮

去白

厚朴

各三斤薑汁炒

甘草

三十兩炙

右為末每服二錢薑湯下日三服或水煎每服五錢
如小便赤澀加茯苓澤瀉米穀不化飲食傷多加枳
殼胃中氣不快心下痞氣加枳殼木香心下痞悶腹
脹者加厚朴甘草減半遇夏加炒黃芩遇雨水濕潤
時加茯苓澤瀉如有痰涎加半夏陳皮咳嗽飲食減
少脉細加當歸黃芪脉洪大緩加黃芩黃連大便秘
加大黃三錢芒硝三錢先嚼麩炒桃仁爛以藥送下
本方加皂礬即皂礬平胃丸

消食積
蟲痞

五苓散

金匱

治瘦人臍下有悸吐涎沫而顛眩此水也

此方主之

此乃散方近人用以作湯往往鮮效

澤瀉

一兩一分

猪苓

去皮

白朮

茯苓

各三分

桂

二分去皮

右五味為末白飲服方寸匕日三服多飲暖水汗出

愈

傷寒論以此方治太陽表裏未清之症所謂表裏者經與府也故此方為利膀胱水道之主藥

二陳湯

局方

治肥盛之人濕痰為患喘嗽脹滿

半夏

製

茯苓

各三錢

陳皮

二錢去白

甘草

一錢

右四味加薑三片水煎服

枳朮丸

治痞積消食強胃

金匱名枳朮湯治心中堅大如盤

枳實

一兩

白朮

二兩

右用荷葉裏燒飯為丸桐子大每服五十丸加木香

砂仁即香砂枳朮丸

方本金匱張潔古變其法成丸

瀉黃散

治脾胃伏火口燥唇乾口瘡口臭煩渴

藿香

七錢

山梔

一兩

甘草

二兩

防風

四兩

右四味同蜜酒炒為末每二錢煎服

其妙在用蜜酒炒

保和丸

丹溪

治食積酒積

山查

二兩

半夏

薑製

橘紅

神麴

麥芽

茯苓

各一兩

連翹

萊菔子

炒

黃連

各半兩

右為末水丸加白朮二兩名大安丸

此治脾胃濕火氣阻之方

加減思食丸

治脾胃俱虛水穀不化胸膈痞悶腹

脇時脹食減嗜卧口苦無味虛羸少氣胸中有寒飲食不下反胃惡心及病後心虛不勝穀氣食不服常並宜服之

神麴

炒黃

麥芽

炒黃各二兩

烏梅

四兩

乾木瓜

半兩

白朮

苓

甘草

炒各二錢半

右為末蜜丸櫻桃大每服一九細嚼白湯送下如渴

時噲化一九

此收納胃氣之方用烏梅木瓜甚巧

越鞠湯九

丹溪

治一切濕痰食火氣血諸鬱

香附

蒼朮

撫芎

各二兩

神麴

山梔仁

各一

兩

右以水煎服或作丸菴豆大每服百丸白滾湯下

四磨飲

濟生

治七情傷感上氣喘急胸膈不快妨悶不

食

人參

栝榔

沉香

天台烏藥

右四味各濃磨水取七分煎三五沸空心溫服

濃汁使藥

存留胸中不即下達亦古製方之法也

玳瑁

局方

治時疾傷寒解五毒治潮熱積熱及小兒

驚癇百病

巴豆

三百十五粒去殼心膜炒熱研如麵按巴豆太多宜酌減

牛黃

研

龍腦

研

膩粉

麝香

研各三兩

辰砂

研飛九兩

金箔

研九片

右合研勻煉黃蠟六兩入白蜜三分同煉勻為丸每
兩作三十九如治潮熱積熱傷寒結胸發黃狂走踈
熱口乾面赤大小便不通大黃炙甘草湯下一丸毒
痢下血黃連湯調膩粉少許如患酒毒食毒茶毒氣
毒風痰伏痞吐逆等症並用膩粉龍腦米飲下中毒
吐血悶亂煩躁欲死者用生人血下立愈小兒百病
驚癇急慢驚風涎潮搐搦用龍腦膩粉蜜湯下萊豆
大二丸諸積食積頰赤煩躁睡卧不寧驚哭瀉痢並

用金銀薄荷湯下更量歲數加減如男婦因病傷寒
時疾陰陽氣交結伏毒氣胃中喘燥眼赤潮發經七
八日至半月日未安醫所不明證候脉息交亂者可
服一九或分作三九亦可並用龍腦膩粉米飲調下
一服取轉下一切惡毒涎并藥丸瀉下如要藥即行
用針刺一孔冷水浸少時服之其效更速

凡用蠟丸
之藥既不

可化開服則三分一九之大丸不能下嚥
宜作一分一九之小丸每服三九為妥

霍香正氣散

局方

治外受四時不正之氣內停飲食頭

痛寒熱或霍亂吐泄或作瘧疾

厚朴

陳皮

桔梗

半夏

各二兩

甘草

一兩炙

大腹皮

換換檳榔亦可

白芷

茯苓

蘇葉

各三兩

藿香

三兩

右十味加薑棗水煎熱服

此方可治時疫

天水散

河間一名益元散一名六一散

治夏時中暑熱傷元氣內外俱

熱無氣以動煩渴欲飲腸胃枯涸者又能催生下乳
積聚水畜裏急後重暑注下迫者宜之

桂府滑石

六兩水飛

甘草

一兩

辰砂

三錢

右為細末新汲水一碗調服三錢

滑利清涼通達水道而不傷陰所以

為佳

二氣丹

局方

治內虛裏寒胸腹滿痛泄利無度嘔吐自

汗小便不禁陽氣漸微手足厥冷及傷寒陰症霍亂轉筋久下冷痢少氣羸困一切虛寒痼冷

肉桂

硫黃

細研各二錢半

乾薑

炮

硃砂

另研為衣各二錢

黑

附子

製五錢

右為末麵糊丸桐子大每服三十丸艾湯或鹽湯下

此治下焦無陽
積寒犯腎之症

瀉白散

錢乙

治肺熱咳嗽

桑皮

炒

地骨皮

各一兩

甘草

五錢

右為末每服一二錢入粳米百粒水煎

此方能治
肺中之飲

三黃湯

本事方

治三焦實熱一切有餘火症大便秘結者

黃芩

大黃

黃連

各等分

右三味水煎服

涼膈散局方治心火上盛中焦燥實煩躁口渴目赤頭

眩口瘡唇裂吐血衄血大小便秘諸風癰癤發斑發

狂及小兒驚風痘瘡黑陷

連翹

四兩

大黃

酒浸

芒硝

甘草

各二兩

黃芩

酒炒

薄荷

梔子

各一兩

右為末每服三錢加竹葉生蜜煎

此瀉中上二焦之火即調胃承氣如

疎風清火之品也

四物二連湯

元戎

治血虛五心煩熱晝則明了夜則發

熱

當歸

白芍

炒

生地

各一兩

川芎

七分

黃連

炒五分

胡黃連

三分

右六味水煎服

血中有實熱此方主之

左金丸

治肝藏火實左脇作痛

黃連

六兩

吳茱萸

一兩洗泡

右為末作丸

吳茱萸仲景用以治嘔逆吐涎等症脇痛亦痰飲為害也兩脇皆屬於肝此方亦

不專治

左脇

龍胆瀉肝湯

局方

治脇痛口苦耳聾耳腫筋痿陰濕熱

癢陰腫白濁洩血

龍胆

酒炒三分

黃芩

炒

梔子

酒炒

澤瀉

一錢

木通

車前子

各五分

當歸

酒洗三分炒

柴胡

一錢

甘草

生地

酒炒各

三分

右十味水煎服

此瀉中上焦之火純用苦味

甘露飲

局方

治丈夫小兒胃中客熱牙宣齒爛目垂欲

閉饑不欲食及目赤腫痛口瘡咽腫瘡疹已發未發

又療脾胃濕熱醉飽房勞黃疸腹滿或時身熱並宜服之

枇杷葉

熟地

天冬

枳殼

茵陳

生地

麥冬

石斛

甘草

黃芩

各等分

分

右為末每二錢水一盞煎七分去滓食後臨卧溫服
本事方去麥冬加犀角名加減甘露飲

此乃以散作飲者

清心蓮子飲

局方

治心虛有熱小便赤澀

黃芩

麥門冬

去心

地骨皮

甘草

炙

車前

子

各半兩

石蓮肉

去心

白茯苓

去皮

黃芪

蜜炙

人參

各七

半錢

右剉散每三錢另用麥冬十粒水煎八分水中沉冷

空心服發熱加柴胡薄荷

亦以散作飲者

瀉熱梔子煎

外臺

治胆府實熱精神不守

梔子

二十枚

竹茹

一兩

香豉

六合

大青

橘

各二兩

赤

蜜

三合

右六味以水六升煮取一升七合去滓下蜜再微煎
二三沸分再服

大順散

局方

治胃暑伏熱引飲過多脾胃受濕水穀不

分霍亂嘔吐藏腑不調

甘草

三十斤
剉寸長

乾薑

杏仁

去皮
尖

肉桂

去麤皮
各四斤

右先將甘草用白砂糖炒及八分黃熟次入乾薑同
炒令薑裂次入杏仁又同炒候不作聲為度篩淨後
入肉桂一處搗為散每服二錢水煎溫服如煩躁并

花水調下不拘時沸湯調亦得

此治暑天內傷冷飲之症非治暑也又甘

草多於諸藥八倍亦非法此等病百不得一偶用之耳而製藥四十二斤又止服二錢其意何居其方本不足取而後之庸醫竟以此治燥火之暑病殺人無算故錄此以証其非

十精丸

又名保真丸
元和紀用經

兔絲子

人精長陰發陽
酒浸一宿濕搗

甘菊花

月精二味
春加一倍

五加皮

草

益肌去
皮用

柏子仁

木精明目通
氣二味夏加

白朮

日精長
肌肉

人參

藥精
鎮心

療驚癇二
味秋加

石斛

山精治筋骨如
金釵者酥炙

鹿茸

血精止腰痛
益精酥炙

肉

從蓉

地精破癥消食
酒浸一宿蒸用

巴戟

天精治精冷益智紫色者
去心酒浸一宿四味冬加

右十味等分隨四季各加分兩為末煉蜜丸梧桐子
大空心溫酒或鹽湯下二十五粒至三十粒忌牛肉

生葱

此世所謂丹藥
也溫平補益

成煉鍾乳粉

千金翼

主五勞七傷欬逆上氣治寒嗽通音

聲明目益精安五藏通百節利九竅下乳汁益氣補
虛療脚弱冷疼下焦傷竭強陰久服延年益壽令人
有子

鍾乳

不拘
多少

右取韶州鍾乳顏色明淨光澤者不拘多少置鍾乳於金銀器中即以大鐺著水沉金銀器於鐺中煮之常令如魚眼沸水減即添薄乳三日三夜麤厚管者七日七夜候乳色變黃白即熟如疑生更煮滿十日最佳出金銀器中更著清水更煮經半日許即出之水色清不變則止即於磁鉢中用玉鍾著水研之每日著水攪令勻勿使著鍾鉢勿使纖塵入內研覺乾澁即更添水常令如稀米泔狀乳細者皆浮在上麤

者沉在下復繞錙鉢四邊研之狀若乳汁研指上如
書中白魚臙即成澄取曝乾每服秤半兩分為三服
用溫酒調下空腹服更量病輕重加減服之亦可和
為丸服之

此鎮心強腎之聖藥唐人最重之

玉霜圓

局方

治真氣虛憊下焦傷竭臍腹弦急腰脚疼

痛精神困倦面色枯槁或亡血盜汗遺瀝失精二便
滑數肌消陽痿久服續骨聯筋秘精堅髓安魂定魄
輕身壯陽

白龍骨

一斤細搗羅研水飛三次曬乾用黑牡蠣火

成紫稍花

如無以木賊代之各三兩

牛膝

酒浸炙乾秤

磁石

醋淬七次紫已

戟穿心

澤瀉酒浸一宿炙

石斛炙

硃砂

研飛

肉蓯蓉

去皮

酒浸一宿炙乾各二兩

茴香

微炒

肉桂

去皮各一兩

兔絲子

酒浸一伏時蒸

枰為末

鹿茸

半兩酒浸一伏時慢火炙脆

韭子

微炒五兩

天雄

十兩酒浸七日掘一

地坑以炭燒赤速去火令淨以醋二升沃於坑候乾乘熱便投天雄在內以盆合土擁之經宿後取出去

皮

右為細末煉酒蜜各半和圓如桐子大每服三十丸

空心晚食前溫酒下

按此藥滋精納氣腎中陽虛者最宜亦升藥也

礞石滾痰丸

養生主論

治實熱老痰之峻劑虛寒者不可用

黃芩

大黃

酒蒸各八兩

礞石

一兩焰消煨過埋地內七日

沉香

五錢

忌火

右四味為細末水丸川椒大量人大小用之用溫水一口送過咽即仰臥令藥徐徐而下半日不可飲食勿起身行動言語待藥氣自胃口漸下二腸然後動作飲食服後喉間稠黏壅滯不快此藥力相攻故痰

氣從上也少頃藥力至而漸逐惡物入腹下腸效如

響應

下結痰之主方

黑錫丹

局方

治脾元久冷上實下虛胸中痰飲或上攻

頭目及奔豚上氣兩脇膨脹并陰陽氣不升降五種水氣脚氣上攻或卒暴中風痰潮上膈等症

沉香

附子

胡蘆巴

肉桂

各半兩

茴香

破故紙

肉豆蔻

金鈴子

木香

各一兩

黑錫

硫黃

與黑錫結炒子各三兩

右為末同研酒煮麵糊為丸梧子大陰乾以布袋擦

令光瑩每服四十丸薑湯下

此鎮納上越之陽氣為醫家必備之要藥按

黑錫成砂最難加

水銀少許為妙

龍腦雞蘇丸

局方

治上焦熱除煩解勞去肺熱咳衄血

熱驚悸脾胃熱口甘吐血肝膽熱泣出口苦腎熱神

志不定上而酒毒膈熱消渴下而血滯五淋血崩

薄荷

一斤

生地

另為末六兩

黃芩

新蒲黃

炒

麥冬

阿膠

炒

人參

俱為末

木通

銀柴胡

各二兩木通沸

湯浸一日
甘草一兩
黃連一兩
夜絞汁

半

右為末好蜜二斤先煎一二沸然後下生地末不住

手攪時加木通柴胡汁慢火熬膏勿令火緊膏成然

後加藥末和丸豌豆大每服二十九白湯下

此方製法精妙

虛勞虛煩梔子湯下肺熱黃芩湯下心熱悸動恍惚

人參湯下衄血吐血麥冬湯下肝熱防風湯下腎熱

黃柏湯下已上並食後臨卧服治五淋及婦人漏下

車前湯下痰嗽者生薑湯下莖中痛者蒲黃滑石水

一鍾調下氣逆橘皮湯下室女虛勞寒熱潮作柴胡

人參湯下

生地末不若鮮者一斤同蜜熬成膏尤妙此方能治血中之熱骨蒸病最宜惟薄荷

太多宜減十分之九想製方之人所用薄荷乃他處之薄荷非蘇州之真龍腦也真龍腦芳烈透腦發洩太過反有所害故醫者不可不知藥也

至寶丹

局方

治中惡氣絕中風不語中諸物毒熱疫煩

躁氣喘吐逆難產悶亂死胎不下以上並用童便一

合生薑自然汁三五滴和溫化下三圓至五丸神效

又治心肺積熱嘔吐邪氣攻心大腸風秘神魂恍惚

頭目昏眩口乾不眠傷寒狂語並治之

生烏犀屑

生玳瑁屑

琥珀研

硃砂研飛

雄黃

研細各一兩

龍腦

麝香

研各一分

牛黃

五錢研

安息香

一兩半為末酒研飛淨一兩熬膏用水安息尤妙

銀箔金箔

各五十片研細為衣

右將生犀玳瑁為細末入餘藥研勻將安息香膏重

湯煮凝成後入諸藥中和搜成劑丸如桐子大用人

參湯化下三九至五九又治小兒諸癇急驚心熱卒

中客忤不得眠煩躁風涎搐搦每二歲兒服二九人

參湯下本事方中多人參南星天竺黃

安神定魄必
備之方真神

也丹

蘇合香丸

局方

療傳屍骨蒸殭蹠肺痿疰忤鬼氣卒心

痛霍亂吐利時氣瘴癘赤白暴利瘀血月閉疰癘丁

腫驚癇小兒吐乳大人狐狸等疾

蘇合香油

五錢八安
息香內

安息香

一兩另為末用無
灰酒半斤熬膏

丁香

青木香

白檀香

沉香

萆撥

香附子

訶子

煨取
肉

烏犀

鎔

硃砂

水飛各
一兩

薰陸

香

片腦

研各五錢

麝香

七錢半

右為細末入安息香膏煉蜜和劑圓如芡實大每四

凡空心用沸湯化下溫酒下亦得

此辟邪驅穢之聖方惟水麝太多宜

減大

半

瓊玉膏

申先生方

治虛勞乾欬

生地黄

四斤若取鮮生地汁須用十斤

白茯苓

十二兩

白蜜

二斤

人參

六兩有加沉香

珀粉各一錢五分

右以地黄汁同蜜熬沸用絹濾過將參茯苓為細末入

前汁和勻以磁瓶用綿紙十數層加箬葉封瓶口入砂鍋內以長流水沒瓶頸桑柴火煮三晝夜取出換

紙紮口以蠟封固懸井中一日取起仍煮半日湯調

服

此方別本製法各殊
生地四斤浸透可取自然汁一斤若浙地則十斤

此為血症第一方按乾淮

祇取自然汁一斤須三十斤方可配諸
藥故修合之法當隨時隨地變通也

大活絡丹

聖濟

治一切中風癱瘓痿痺痰厥拘攣疼痛

癰疽流注跌撲損傷小兒驚癇婦人停經

白花蛇

烏梢蛇

威靈仙

兩頭尖

俱酒浸

草烏

天麻

煨

全蝎

去毒

首烏

黑豆水浸

龜板

炙

麻黃

貫仲

炙草

羌活

官桂

藿香

烏藥

黃連

熟地

大黃

蒸

木香

沉香

以上各二兩

細辛

赤芍

沒藥

去油

另研丁香

乳香

去油另研

殭蚕

天南星

薑製

青皮

骨碎補

白蔻

安息香

酒熬

黑附子

製

黃芩

蒸

茯苓

香附

酒浸焙

元參

白朮

以上

各一兩防風

二兩

半

葛根

虎脰骨

炙

當歸

各一兩

血

蝎

另研七錢

地龍

炙

犀角

麝香

另研

松脂

各五錢

牛

黃

另研

片腦

另研各一錢五分

人參

三兩

右共五十味為末蜜丸如桂圓核大金箔為衣陳酒

送下

頑痰惡風熱毒瘀血入於經絡非此方不能透連凡治肢體大症必備之藥也方書亦有活絡

丹祇用地龍乳香等四五味此乃治藜藿人實邪之方不堪用也

紫雪

局方

療腳氣口中生瘡狂易叫走瘴疫毒厲卒死

溫瘧五尸五注心腹諸疾疔痛及解諸熱毒藥邪熱卒黃等症并解蠱毒鬼魅野道熱毒又治小兒驚癇

百病

黃金

一百兩

寒水石

磁石

石膏

滑石

各三

斤以上並搗碎用水一斛煮至四斗去滓入下藥

羚羊角屑

犀角屑

青木香

沉香

各五斤

丁香

一兩

元參

升麻

各一斤

甘草

八兩

以上入前

藥汁中再煮取一斗五升去渣入下藥

朴硝

十斤

硝石

四斤

二味入前藥汁中微火上煎柳木篦攪不

住手候有七升投在木盆中半日欲凝入下藥 麝

香當門子

一兩二錢半

硃砂

三兩

上藥入前藥中攪調令

勻磁器收藏藥成霜雪紫色水調下

按二硝太多當只用十分之一

則藥力方厚丁香用二兩余所合者皆然方中黃金百兩以飛金一萬頁代之尤妙

邪火毒火穿經入

臟無藥可治此能消解其效如神

解毒萬病丹

一名紫金錠

治一切藥毒菰子鼠莽惡菌疫死

牛馬河豚等毒及時行瘟疫山嵐瘴癘纏喉風痺黃

疸赤眼瘡癰熱毒上攻或自縊溺水打撲傷損癰疽

發背魚臍瘡腫百蟲蛇犬所傷男子婦人癲邪狂走

鬼胎鬼氣並宜服之

山茨菰

去皮洗淨焙二兩

川文蛤

一名五格子捶破洗刮內桴二兩

千金子

去殼用紙包裹換紙研數十次去盡油無油成霜二兩

麝香


細研淨三錢

紅芽大戟

洗焙一兩

右各研細末和勻以糯米粥為劑每料分作四十粒於端午七夕重陽合如欲急用辰日亦得於木臼中杵數百下不得令婦人孝服人不具手足人及雞犬之類見之

此秘藥中之第一方也用藥之奇不可思議或加入硃砂雄黃各五錢尤效



蘭臺軌範卷一

欽定四庫全書

子部

蘭臺軌範卷二

詳校官太醫院院使臣張肇基

洗馬臣王坦修覆勘

總校官庶吉士臣何思鈞

校對官助教臣羅萬選

謄錄監生臣倪景寬

欽定四庫全書

蘭臺軌範卷二

吳江徐大椿撰

風

靈素

素問風論黃帝問曰風之傷人也或為寒熱或為熱中或為寒中或為癘風或為偏枯或為風也其病各異其名不同或內至五臟六腑不知其解願聞其說岐伯對

曰風氣藏於皮膚之間內不得通外不得泄風者善行而數變腠理開則洒然寒閉則熱而悶其寒也則衰食飲其熱也則消肌肉故使人怵慄而不能食名曰寒熱風氣與陽明入胃循脉而上至目內眥其人肥則風氣不得外泄則為熱中而目黃人瘦則外泄而寒則為寒中而泣出風氣與太陽俱入行諸脉俞散於分肉之間與衛氣相干其道不利故使肌肉憤脹而有瘍衛風有所凝而不行是故其肉有不仁也癰者有營氣熱附其

氣不清故使鼻柱壞而色敗皮膚瘍潰風寒客於脈而不
去名曰癰風或名寒熱以春甲乙傷於風者為肝風以夏
丙丁傷於風者為心風以季夏戊己傷於邪者為痺風以
秋庚辛中於邪者為肺風以冬壬癸中於邪者為腎風風
中五臟六腑之俞亦為臟腑之風各入其門戶所中則為
偏風風氣循風腑而上則為腦風風入係頭則為目風眼
寒飲酒中風則為漏風入房汗出中風則為內風新沐中
風則為首風久風入中則為腸風飧泄外在腠理則為泄

風故風者百病之長也至其變化乃為他病也肺風之狀多汗惡風色㼱然白時欬短氣晝日則差暮則甚診在眉上其色白心風之狀多汗惡風焦絕善怒嚇赤色病甚則言不可快診在口其色赤肝風之狀多汗惡風善悲色微蒼噤乾善怒時憎女子診目下其色青脾風之狀多汗惡風身體怠惰四肢不欲動色薄微黃不嗜食診在鼻上其色黃腎風之狀多汗惡風面龐然浮腫脊痛不能正立其色㼱隱曲不利診在肌上其色黑胃風之狀頸多汗惡風

食飲不下膈塞不通腹善滿失衣則腹脹食寒則泄診形
瘦而腹大首風之狀頭面多汗惡風當先風一日則病甚
頭痛不可以出內至其風日則病少愈漏風之狀或多汗
常不可單衣食則汗出甚則身汗喘息惡風衣常濡口乾
善渴不能勞事泄風之狀多汗汗出泄衣上口乾上清
其風不能勞事身體盡痛則寒諸風病狀各殊其多汗惡風則傷風畏風傷風自汗
凡七情六淫之病必有現
症能辨症斷不至誤治也

平人氣象論面腫曰風

風厥勞風 評熱病論岐伯曰汗出而身熱者風也汗

出而煩滿不解者厥也病名曰風厥

氣逆甚即名風厥

帝曰願

卒聞之岐伯曰巨陽生氣故先受邪少陰與其為表裏

也得熱則上從之從之則厥也

必少陰之氣上乃能厥

帝曰治之

奈何岐伯曰表裏刺之飲之服湯帝曰勞風為病何如

岐伯曰勞風法在肺下其為病也使人強上冥視唾出

若涕惡風而振寒此為勞風之病帝曰治之奈何岐伯

曰以救俛仰巨陽引精者三日中年者五日不精者七

日欬出青黃涕其狀如膿大如彈丸從口中若鼻中出

不出則傷肺傷肺則死也

此等病最當體認若誤以為肺癰肺痿則失之遠矣蓋肺

癰乃肺生癰肺痿乃肺痿瘡此則風寒入肺痰涎凝結也

酒風 病能論帝曰有病身熱解墮汗出如浴惡風少

氣此為何病岐伯曰病名曰酒風

偏枯 生氣通天論汗出偏沮使人偏枯

癰 靈樞熱病癰之為病身無痛者四肢不收智亂不

甚其言微知可治甚則不能言不可治也

金匱

夫風之為病當半身不遂或但臂不遂者此為痺脉微而數中風使然 寸口脉浮而緊緊則為寒浮則為虛寒虛相搏邪在皮膚浮為血虛絡脉空虚賊邪不瀉或左或右邪氣反緩正氣即急

病在緩處故外治必塗其緩者

正氣引邪

喎僻不遂邪在於絡肌膚不仁邪在於經即重不勝邪入於腑即不識人邪入於臟舌即難言口吐涎

此辨症之要訣

寸口脉遲而緩遲則為寒緩則為虛榮緩則為亡血衛緩則為中風邪氣中經則身痒而癰疹心氣不足邪氣

人中則胸滿而短氣

傷寒論

脉浮而大浮為風虛大為氣強風氣相搏必成癰疹身體為痒痒者名泄風久風為痂癩

病源

風癰 風邪之氣若先發於陰病發於五臟者其狀奄忽不知人喉裏噫噫然有聲舌強不能言發汗身軟者可治眼下及鼻人中左右上白者可治黑赤吐沫者不

可治汗不出體直者七日死

口噤 諸陽經筋皆在於頭三陽之筋并絡入頰頰夾
於口諸陽為風寒所客則筋急故口噤不開也脰其脉
遲者生

舌強 脾脉絡胃夾咽連舌本散舌下心之別脉係舌
本今心脾二臟受風邪故舌強不得語也

賊風 冬至之日有疾風從南方來名曰虛風其傷人
也但痛不可按抑轉動傷風冷則骨解深痛按之乃應

骨痛也但覺身內索索冷欲得熱物熨痛處即小寬時

有汗久不去重遇冷氣相搏結成癰癰及偏枯遇風熱

相搏乃變附骨疽也

附骨疽亦由風冷所致

風瘰口噤不開背強而直如發癰之狀其重者耳中

策策痛卒然身體瘰直者死也由風邪傷於太陽經復

遇寒濕則發瘰也

此與病後壞症之瘰不同

角弓反張風邪傷人令腰背反折不能俛仰似角弓

者由邪入諸陽經故也

柔風 血氣俱虛風邪并入在於陽則皮膚緩在於陰則腹裏急柔風之狀四肢不能收裏急不能仰

不仁 由榮氣虛衛氣實風寒入於肌肉使血氣不流通其狀搔之皮膚如隔衣是也

風驚悸 由心氣不足心府為風邪所乘則驚不自安悸動不定其狀目精不轉而不得呼

刺風 由體虛膚腠開為風所侵如刀錐所刺也

蠱風 由體虛受風其風在於皮膚隱隱躍躍若晝若

刺一身盡痛侵傷氣血其動作如蠱毒也

鬚眉墮落 皆由風濕冷得之邪客於經絡與血氣相干使榮衛不和故面色敗皮膚傷鼻柱壞鬚眉落

此乃癘風也

惡風 風病有四百四種總不出五種黃風青風赤風白風黑風人身有八萬尸虫若無八萬尸虫人身不成不立復有諸惡橫病諸風害人所謂五種風生五種虫能害於人

口喎 養生方云夜卧當耳勿得有孔風入耳中喜食

口喎

口喎見金匱此又是一病當內服藥而外提出風邪

外臺

風猥退 四肢不收身體疼痛肌肉虛滿骨節懈怠腰脚緩弱由分肉流於血脉久成風水之病

躄曳 肢體弛緩不收攝也人以胃氣養肌肉經脉胃氣衰損則經脉虛而筋肉懈惰故風邪搏於筋而使躄曳也

風毒發 眼疼脚縱中指疼連肘邊牽心裏悶肋脹少
氣喘氣欲絕不能食

風方

酒風

素問

治身熱懈惰汗出如浴惡風少氣

澤瀉

朮

各十分

麋銜

五分

合以三指撮為後飯

麋銜

即薇銜一名無心草南人呼為無風草味苦平微寒
主治風濕三指為一撮約二三錢飯後藥先為後飯
按麋銜疑即鹿啣草為後飯服在飯後非飯前也
凡古方須將神農本草細參藥性乃能深知其義

侯氏黑散

金匱

治大風四肢煩重心中惡寒不足者

菊花

四分

白朮

十分

細辛

三分

茯苓

三分

牡蠣

三分

桔梗

八分

防風

十分

人參

礬石

各三分

黃芩

五分

當歸

乾薑

芎藭

桂枝

各三分

右十四味杵為散酒服方寸匕日一服初服二十日

溫酒調服禁一切魚肉大蒜常宜冷服六十日止即

藥積在腹中不下也熱食即下矣冷食自能助藥力

腸腹空虛則邪易留此填滿空隙使邪氣不能容

風引湯

金匱

除熱癰瘡

巢氏云脚氣宜風引湯

大黃

乾薑

龍骨

各四兩

桂枝

三兩

甘草

牡蠣

各二兩

寒水石

滑石

赤石脂

白石

脂

紫石英

石膏

各六兩

右十二味杵粗篩以韋囊盛之取三指撮井花水三

升煮三沸溫服一升

此乃臟腑之熱非草木之品所能散故以金石重藥清其裏

防已地黃湯

金匱

治病如狂狀妄行獨語不休無寒熱

其脉浮

防已一分桂枝

防風

各二分

甘草

一分

右四味以酒一杯浸之一宿絞取汁生地黄二斤咬咀蒸之如斗米飯久以銅器盛其汁更絞地黄汁和

分再服

此方他藥輕而生地獨重乃治血中之風也此等法最宜細玩凡風勝則燥又風能發

火故治風藥中無純用燥熱之理

頭風摩散

金匱

大附子

一枚鹽等分泡

右二味為散沐了以方寸匕已摩疾上令藥力行

越脾湯

金匱

風水惡風一身悉腫脉浮不渴續自汗出

無大汗者主之

麻黃

六兩

石膏

半斤

生薑

三兩

甘草

二兩

大棗

十五枚

右五味以水六升先煮麻黃去上沫內諸藥煮取三

升分溫三服惡風加附子一枚本方加白朮四兩即

越脾加朮湯

越脾寒散之方也
治風熱在表之症

小續命湯

千金

治卒中風欲死身體緩急口目不正舌

強不能言奄奄忽忽神精悶亂諸風服之皆驗

麻黃

防己

人參

黃芩

桂心

芍藥

甘草

川芎

杏仁

各一兩

防風

一兩半

附子

一枚

生薑

五兩

右十二味咬咀以水一斗二升先煮麻黃三沸去沫
內諸藥煮取三升分三服不瘥更合三四劑隨人風
輕重虛實脚弱服之亦瘥恍惚者加茯神遠志骨節
疼痛有熱者去附子倍芍藥外臺加白朮一兩石膏
當歸各二兩無防已

續命為中風之主方因症加減
變化由人而總不能舍此以立

法後人不知此義人自為說流弊無窮而中風一症
遂十不愈一矣人參附桂何嘗不用必實見其有

寒象而後可加然尤宜於西北
人若東南人則當詳審勿輕試

錄驗續命湯

治中風痲身軀不能自收口不能言

冒昧不知痛處或拘急不得轉側

麻黃

桂枝

當歸

人參

石膏

乾薑

甘草

各三兩

川芎

杏仁

四十枝

右九味以水一斗煮取四升溫服一升當小汗薄覆

脊憑几坐汗出則愈不汗更服無所禁勿當風并治

但伏不得卧咳逆上氣面目浮腫

虛而感風則成痲此治痲症之主方

近效木附湯

治風虛頭重眩苦極不知食味暖肌

補中益精氣

白朮二兩附子

一枚半
泡去皮

甘草

一兩
炙

右三味剉每五錢匕薑五片棗一枚水盞半煎七分

去滓溫服

此治中風後陽虛之症按古今錄驗近效二種乃唐以前之方書今全本未見外

臺中引二書之方極多金匱要畧宋人校書者往往以本集中載方太少故亦採取二書并千金外臺之方擇其精要者附一二方於每病之後而方首亦必不沒其所本之書古人之不苟如此今人見其方載入金匱中即以為仲景所定之方誤矣須知之

地黃煎

千金

治熱風心煩悶及脾胃間熱不下食方

生地黄汁

枸杞根汁

各二兩

生薑汁

酥

各三升

荊瀝

竹瀝

各五升

天門冬

人參

各八兩

茯苓

六兩

兩
大黃

梔子

各四兩

右十一味搗篩五物為散先煎地黃等汁成膏內散

攪勻每服一匕日再漸加至三七覺利減

風行必燥古人治風

必用潤藥乃真訣也今人反以剛燥辛熱之品治之是益其疾矣

三黃湯

千金

治中風手足拘急百節疼痛煩熱心亂惡

寒經日不欲飲食

麻黃

五分

獨活

四分

細辛

黃芪

各二分

黃芩

三分

右五味以水六升煮取二升分溫三服一服小汗二服大汗心熱加大黃二分腹滿加枳實一枚氣逆加人參三分悸加牡蠣三分渴加栝蒌根三分先有寒

加附子一枚

此方專以驅風為治

風痺方

千金

治手足不遂彊直

伏龍肝五升為末冷水八升攪取汁飲之能盡為善

蒸半身不遂方

千金

蚕沙兩石熟蒸分作直袋三枚熟盛一袋著患處如
冷換熱者數易之瘥後須羊肚釀粳米葱白薑椒豉
等爛煮熱吃日食一具十日止

按此法熨
痺症亦良

治風懿方

竹瀝

一升

治半身不遂手足拘急身冷強直不語或

狂言角弓反張或食或不食或大小便不利

治風懿
之法與

治風痺之
法不相遠

口眼喎僻方

千金翼

治中風面目相引偏僻牙車急舌不

轉

牡蠣

熬

礬石

燒

附子

泡去皮

伏龍肝

等分

右四味搗篩為散以三歲雄雞血和藥敷上預候看勿令太過偏右塗左偏左塗右正則洗去之

又方

大皂莢

五兩去皮子

搗篩以三年大醋和塗緩處

又方

千金翼

治風著人面引口偏著耳牙車急舌不得轉

生地黃汁

竹瀝

各一升

獨活

三兩切

右三味合煎取一升頓服之即愈

驅風舒經活血

開心肥健方

千金翼

人參

五兩

大猪肪

八枚

右二味搗人參為散猪肪煎取凝每服以人參一分猪脂十分以酒半升和服之一百日骨髓充盈日記千言身體潤澤去熱風冷風心頭等風月服二升半

即有大效

此方治老人及風燥者最宜

一切風虛方

千金翼

杏仁

九升去尖及兩仁曝乾

右一味搗為末以水九升研濾如作粥法緩火煎令如麻浮上匙取和羹粥酒內一匙服之每食即服不限多少服七日後大汗出二十日後汗止慎風冷猪魚雞蒜大醋一劑後諸風減差春夏恐酸少作服之秋九月後煎之此法神妙可深秘之

此即作杏酪之法服食最宜

竹瀝湯

外臺

治諸中風

竹瀝

二升

生葛根

一升

按亦當用汁

生薑汁

三合

右三味分三服日三

此通經絡之法

卒不得語方

外臺

以苦酒煮芥子薄頸一周以衣包之一日一夕乃解
瘥

中風不語方

實鑑

取龜尿點舌

取龜尿法置龜於新荷葉上以猪髮

鼻內戳之立出

地黄飲子

宣明

治中風舌瘖不能言足廢不能行此少

陰氣厥不至名曰風痺急當溫之

熟地

山茱萸

五味子

茯苓

酒浸

石斛

麥冬

石菖蒲

遠志

茯苓

桂

心

附子

炮

巴戟

去心等分

薄荷

七葉

右十三味每服三錢生薑五片棗一枚煎服

風氣甚而有火

多痰者忌服 此治少陰氣厥之方所謂類中風也故全屬補腎之藥庸醫不察竟以之治一切中風之症輕則永無愈期甚則益其病而致死醫者病家終身不悟也

稀涎散

局方

治中風牙關緊急并治單蛾雙蛾

江子仁

六粒

牙皂

三錢

明礬一兩

右先化開礬入二味待礬枯為末每用三分吹入喉

中

此急救弔痰
開喉之法

稀涎丸

本事方

治口眼喎斜偏風失音不語時時吐涎久

服并眼目清明髭鬚烏黑筋骨強健

稀涎

五月中取葉及嫩枝洗九蒸九晒微焙為

末煉蜜丸桐子大溫酒或米飲下三四十丸

按余取
稀涎

汁熬膏打末為丸尤有力 此
緩治之劑非一時救病之法

控涎丹

三因方

甘遂

大戟

白芥子

等分

右為末煮糊丸桐子大晒乾卧時淡薑湯或熱湯下

五七丸至十丸

此乃下痰之方人
實症實者用之

滌痰散

嚴氏

治中風痰迷心竅舌強不能言

南星

薑製

半夏

各二錢半

枳實

茯苓

各二錢

橘紅

一錢五分

石菖蒲

人參

各一錢

竹茹

七分

甘草

右九味加薑五片水煎服

此治心經之痰

勝金丸

本事方

治中風忽然昏倒若醉形體昏悶四肢不

收風涎潮於上膈氣閉不通

生薄荷

半兩

猪牙皂角

二兩搥碎水一升二味一處浸取汁研成膏

瓜蒂

末

一兩

藜蘆

二兩

硃砂

五錢許研

右將硃砂末二分與二味研勻用膏子搜和丸如龍

眼大以硃砂一分為衣溫酒化下一丸甚者二丸以

吐為度得吐即醒不醒者不治

實見其痰在上膈則可用否則提氣上升

反成厥
冒等疾

銀液丹

局方

治諸風痰涎蘊結心膈滿悶頭痛目運面

熱心忪痰唾稠黏精神昏愴及風涎潮搐並宜服之

天南星

三分
為末

硃砂

半兩
研飛

鐵粉

水銀

各三兩
結砂子

膩粉

一兩
研

黑鉛

煉十過
秤三兩

與水銀結沙為小
塊同甘草十兩水煮半日候冷研

右研勻麵糊丸梧桐子大每服二丸同薄荷蜜湯下

生薑湯亦可微為度食後服如治風癰不計時候服

痰涎逆上用此鎮壓亦不可少 前方提之使出此方鎮之使下隨宜施治全在辨症之確

癘風方

治眉落鼻壞徧體生瘡 出神仙感遇傳

角刺

一二升
燒灰

大黃

九蒸
晒

右為末再煎大黃湯服方寸匕旬日即愈

青州白圓

局方見
通治

痺歷節

靈素

靈周痺論黃帝曰願聞衆痺岐伯對曰此各在其處更發更止更居更起以右應左以左應右非能周也更發

更休也帝曰善願聞周痺何如岐伯對曰周痺者在於
血脉之中隨脉以上隨脉以下不能左右各當其所帝
曰善此痛安在何因而有名岐伯對曰風寒濕氣客於
外分肉之間迫切而為沫沫得寒則聚聚則排分肉而
分裂也經中無痰字沫即痰也分裂則痛痛則神歸之神歸之則
熱熱則痛解痛解則厭厭則他痺發發則如是此內不
在臟而外未發於皮獨居分肉之間真氣不能周故曰
周痺

深痺 九鍼十二原篇八風傷人內舍於骨解腰脊節
腠理之間為深痺

風痺 壽夭剛柔篇病在陽者命曰風病在陰者命曰

痺陰陽俱病者命曰風痺

二病之殊
兩言而定

寒痺 壽夭剛柔篇寒痺之為病也留而不去時痛而
皮不仁

素問痺論帝問痺之安生岐伯對曰風寒濕三氣雜至
合而為痺也其風氣勝者為行痺寒氣勝者為痛痺濕

氣勝者為著痺也凡痺之客五臟者

客五臟痺氣入內而生內症矣

肺

痺者煩滿喘而嘔心痺者脉不通煩則心下鼓暴上氣而喘噎乾善噫厥氣上則恐肝痺者夜卧則驚多飲數小便上為引如懷腎痺者善脹尻以代踵脊以代頭脾痺者四肢解墮發欬嘔汁上為大塞腸痺者數飲而出不得中氣喘爭時發飧泄胞痺者少腹膀胱按之內痛若沃以湯溢於小便上為清涕陰氣者靜則神藏躁則消亡飲食自倍腸胃乃傷淫氣喘息痺聚在肺淫氣憂

思痺聚在心淫氣遺溺痺聚在腎淫氣乏竭痺聚在肝
淫氣肌絕痺聚在脾諸痺不已亦益內也其風氣勝者
其人易已也帝曰痺其時有死者有疼久者有易已者
其故何也岐伯曰其入臟者死其留連筋骨間者疼久
其留皮膚間者易已帝曰其客於六腑者何也岐伯曰
此亦其食飲居處為其病本也帝曰榮衛之氣亦令人
痺乎岐伯曰榮者水穀之精氣也和調於五臟灑陳於
六腑乃能入於脉也故循脉上下貫五臟絡六腑也衛

者水穀之悍氣也其氣慄疾滑利不能入於脉也故循皮膚之中分肉之間熏於盲膜散於胸腹逆其氣則病從其氣則愈不與風寒濕氣合故不為痺帝曰善痺或痛或不痛或不仁或寒或熱或燥或濕其故何也岐伯曰痛者寒氣多也有寒故痛也其不痛不仁者病久入深榮衛之行滯經絡時踈故不通皮膚不營故為不仁其寒者陽氣少陰氣多與病相益故寒其熱者陽氣多陰氣少病氣勝陽遭陰故為痺熱其多汗而濡者此其

逢濕甚也陽氣少陰氣盛兩氣相感故汗出而濡也帝
曰夫痺之為病不痛何也岐伯曰痺在於骨則重在於
脉則血凝而不流在於筋則屈不伸在於肉則不仁在
於皮則寒故具此五者則不痛也凡痺之類逢寒則蟲
逢熱則縱

陰痺 至真要大論陰痺者按之不得腰脊頭頂痛時
眩大便難陰氣不用饑不欲食欬唾則有血心如懸病
本於腎

筋肌骨痺 長刺節論病在筋筋攣節痛不可以行名
曰筋痺病在肌膚肌膚盡痛名曰肌痺病在骨骨重不
可舉骨髓酸痛寒氣至名曰骨痺

肉苛 逆調論帝曰人之肉苛者雖近於衣絮猶尚苛
也是為何疾岐伯曰營氣虛衛氣實也營氣虛則不仁
衛氣虛則不用營衛俱虛則不仁且不用肉如故也人
身與志不相有曰死

金匱

問曰血痺病從何得之師曰夫尊榮人骨肉肌膚盛重
因疲勞汗出卧不時動搖加被微風遂得之但以脉自
微濇在寸口關上小緊宜鍼引陽氣令脉和緊去則愈
寸口脉沉而弱沉即主骨弱即主筋沉即為腎弱即
為肝汗出入水中如水傷心歷節痛黃汗出故曰歷節
少陰脉浮而弱弱則血不足浮則為風風血相搏即
疼痛如掣 盛人脉濇小短氣自汗出歷節疼不可屈
伸此皆飲酒汗出當風所致 味酸則傷筋筋傷則緩

名曰泄賊則傷骨骨傷則痿名曰枯枯泄相搏名曰斷
泄榮氣不通衛不獨行榮衛俱微三焦無所御四屬斷
絕身體羸瘦獨足腫大黃汗出脛冷假令發熱便為歷
節也

痺歷節方

痺症方 靈樞

治之以馬膏膏其急者以白酒和桂以塗其緩者以
桑鈎鈎之即以生桑炭置之坎中高下以坐等以膏

慰急煩且飲美酒噉炙肉不飲酒者自強也為之

三拊而已

馬膏馬脂也其性味甘平柔潤能養筋治痺故可以膏其急者白酒辣桂性味辛溫

能通經絡行血脈故可以塗其緩者桑之性平能利關節除風寒濕痺諸痛故以桑鈎鈎之者鈎正其口也復以生桑火炭置之地坎之中高下以坐等者欲其淺深適中便於坐而得其暖也然後以前膏熨其急煩且飲之美酒噉之炙肉皆助血舒筋之法也雖不善飲亦自強之三拊而已言再三拊摩其患處則病亦已矣筋骨之病總在軀殼古法多用外治今人不能知矣

寒痺熨法

靈樞

用淳酒二十升蜀椒一升乾薑一斤桂心一斤凡四

種皆咬咀漬酒中用綿絮一斤細白布四丈并內酒

中置酒馬矢煨中

馬矢煨中者燃馬屎而煨之也

蓋封塗勿使泄五

日五夜出布綿絮曝乾之乾後復漬以盡其汁每漬

必晬

晬周曰也

其日乃出乾并用滓與綿絮複布為複巾

重布為巾如今之夾袋所以盛貯綿絮藥滓也

長六七尺為六七巾則用生

桑炭炙巾以熨寒痺所刺之處令熱入至於病所

熨寒

痺所刺則知先已刺過然後熨之若不刺而徒熨恐藥性不易入則刺法亦當考明

寒復炙巾

以熨之三十遍而止汗出以巾拭身亦三十遍而止

黃芪桂枝五物湯

金匱

治血痺陰陽俱微寸口關上微

尺中小緊外症身體不仁如風痺狀

黃芪

芍藥

桂枝

各三兩

生薑

六兩

大棗

十二枚

右五味以水六升煮取二升溫服七合日三服一方

有人參

此即桂枝湯以黃芪易甘草乃衛虛營弱之方固衛即以護營

桂枝芍藥知母湯

金匱

治肢節疼痛身體尪羸脚腫如

脫頭眩短氣溫溫欲吐

桂枝

四兩

芍藥

三兩

甘草

麻黃

附子

炮各二兩

生薑

白朮

各五兩知母 四兩

右九味以水七升煮取二升溫服七合日三服

此為陽虛

之症

烏頭湯

金匱

治歷節疼痛不可屈伸

麻黃

芍藥

黃芪

甘草

炙各三兩

烏頭

三枚咬咀

以蜜二升煮取一升即出烏頭

右五味咬咀四味水三升煮取一升去滓內蜜煎中

更煎之服七合不知更服之

其煎法精妙可師風寒入節非此不能通達陽

氣

獨活寄生湯

千金

治風寒濕痺偏枯脚氣

獨活

三兩

桑寄生

秦艽

細辛

歸身

生地

白芍

川芎

桂心

茯苓

杜仲

牛膝

人參

甘草

各等分

一方有

防風

右十四味為粗末每服四錢煎服

此驅風通治之方

舒筋飲

治臂痛不能舉由氣血凝滯經絡不能行

所致非風非濕腰以下食前服腰以上食後服

片薑黃

二錢如無以
我木代之

赤芍

當歸

海桐皮

去粗

皮

白朮

各一錢
五分

羌活

炙甘草

各一錢

右七味加薑三片煎服磨冲沉香汁少許

拔痺膏

用生半夏為末同廣膠等分先用薑汁將膏煎烊調
入半夏塗

史國公酒方

聖惠

治中風語言塞澀手足拘攣半身不

遂痿痺不仁

當歸

酒洗

虎脰骨

酒浸一日
焙乾醋炙

羌活

蠶甲

炙

草

薤

防風

秦艽

牛膝

松節

晚

蠶沙

二兩

枸杞子

五兩

茄根

八兩

蒸

右為粗末絹袋盛浸無灰酒一斗十日取飲

半身不遂外治方

見風門

大活絡丹

指迷茯苓丸

俱見

通治

痿

素問

素問痿論黃帝問曰五臟使人痿何也岐伯對曰肺主身之皮毛心主身之血脉肝主身之筋脾主身之肌肉腎主身之骨髓故肺熱葉焦則皮毛虛弱急薄著則生痿臂也心氣熱而下脉厥而上上則下脉虛虛則生脉痿樞折挈脛縱而不任地也肝氣熱則胆泄口苦筋膜乾筋脉乾則脛急而攣發為筋痿脾氣熱則胃乾而渴肌肉不仁發為肉痿腎氣熱則腰脊不舉骨枯而髓

減發為骨痿帝曰何以得之岐伯曰肺者臟之長也為心之蓋也有所失亡所求不得則發肺鳴鳴則肺熱葉焦故曰五臟因肺熱葉焦發為痿躄此之謂也

痿症總屬熱而

皆關於肺後人治痿而用燥熱之藥俱誤

悲哀太甚則胞絡絕胞絡絕則陽

氣內動發則心下崩數洩血也故本病曰大經空虛發為肌痺傳為脈痿思想無窮所願不得意淫於外入房太甚宗筋弛縱發為筋痿及為白淫故下經曰筋痿者生於肝使內也有漸於濕以水為事若有所留居處相

濕肌肉濡漬痺而不仁發為肉痿故下經曰肉痿者得之濕地也有所遠行勞倦逢大熱而渴渴則陽氣內伐內伐則熱舍於腎腎者水臟也今水不勝火則骨枯而髓虛故足不任身發為骨痿故下經曰骨痿者生於大熱也黃帝曰何以別之岐伯曰肺熱者色白而毛散心熱者色赤而絡溢肝熱者色蒼而爪枯脾熱者色黃而肉蠕動腎熱者色黑而齒槁帝曰如夫子言可笑論言治痿者獨取陽明何也岐伯曰陽明者五臟六腑之海

主潤宗筋宗筋主束骨而利機關也衝脈者經脈之海

也主滲灌谿谷與陽明合於宗筋陰陽總宗筋之會會

於氣街

氣街一名氣衝足陽明經穴在毛際兩旁鼠鼯上一寸動脈處

而陽明為之長

皆屬於帶脈而絡於腎脈故陽明虛則宗筋縱帶脈不

引故足痿不用也帝曰治之奈何岐伯曰各補其榮

諸經

所溜而通其俞

諸經所注為俞

調其虛實和其順逆筋脈骨肉

各以其時受月則病已矣

時受月王冰注謂病所受之時月未知是否

生氣

通天論濕熱不攘大筋縴短小筋弛長縴短為拘弛長

為痿

難經

五損損於骨骨痿不能起於牀

痿方

金剛丸

保命

治腎損骨痿不能起於牀

萆薢

杜仲

絲炒去

茯苓

酒浸等分

右為末酒煮腰子搗丸如桐子大每服五七十九溫

酒下

虎骨四筋丸

局方

治脚痿

宣木瓜

天麻

茯苓

牛膝

各焙乾
一斤

附子

虎骨

各一兩
酥炙

右以上各如法修製先將前四味用無灰酒浸春秋
各五日夏三冬十日取出焙乾入附子虎骨共研為
末用浸藥酒打麵糊丸梧子大每服五十丸食前鹽
湯下

加減四筋丸

三因

治腎肝虛熱淫於內致筋骨痿弱足

不任地驚恐戰掉潮熱時作飲食無味不生氣力

肉蓯蓉

酒浸

牛膝

酒浸

木瓜

乾

鹿茸

酥炙

熟地

五味子

酒浸

兔絲子

酒浸各等分

右為末煉蜜丸桐子大每服五十丸溫酒米飲下一

方不用五味有杜仲

煨腎丸

保命

治腎肝虛及脾損穀不化

牛膝

萆薢

杜仲

炒去絲

白茯苓

防風

兔絲子

酒浸

蓯蓉

酒浸

胡蘆巴

破故紙

等分

桂枝 減半

右為末將豬腰子製如食法搗爛蜜丸如桐子大每

服五七十九溫酒送下又治腰痛不起

亦治腎痿

續骨丹

本事

治兩脚軟弱虛羸無力及小兒不能行

天麻

酒浸

白附子

牛膝

木鱉子

各半兩

羌活

半兩

烏頭

一錢

地龍

去土一分

乳香

沒藥

各二錢

硃砂

一錢

右以生南星末一兩無灰酒炙糊丸雞頭大硃砂為

衣

此加味活絡丹也舒筋最宜

思仙續斷圓

本事

治肝腎風虛氣弱脚不可踐地腰脊

疼痛風毒流注下經行止艱難小便餘瀝此補五臟

內傷調中益精涼血堅強筋骨益智輕身耐老

思仙朮

生地

各五兩

五加皮

防風

米仁

羌活

川斷

牛膝

各三兩

萆薢

四兩

右為細末好酒三升化青鹽三兩用大木瓜半斤去

皮子以鹽酒煮木瓜成膏杵丸如桐子大每服三四

十九空心食前溫酒鹽湯下膏少和酒可也

此方治下焦風

濕脚氣亦效 內經針痿之法獨取陽明以陽明為諸筋總會也而用藥則補腎為多以腎為筋骨之總司也養其精血而逐其風痰則大畧無誤矣

虎潛丸

丹溪

大活絡丹

以上二方俱見通治

厥

靈素

靈癲狂篇厥逆為病也足暴清胸若將裂腸若將以刀

切之煩而不能食脈大小皆瀦

厥之象如此甚則不知人矣

素厥論黃帝問曰厥之寒熱者何也岐伯對曰陽氣衰於下則為寒厥陰氣衰於下則為熱厥帝曰熱厥之為熱也必起於足下者何也岐伯曰陽氣起於足五指之表陰脈者集於足下而聚於足心故陽氣勝則足下熱也帝曰寒厥之為寒也必從五指而上於膝者何也岐伯曰陰氣起於五指之裏集於膝下而聚於膝上故陰氣勝則從五指至膝上寒其寒也不從外皆從內也

解精微論厥則目無所見夫人厥則陽氣并於上陰氣

并於下陽并於上則火獨光也陰并於下則足寒足寒

則脹也

厥則無不因陽氣在上若不能通陰納陽而用辛熱滋膩之藥貽害無窮

調經論

血之與氣并走於上則為大厥厥則暴死氣復反則生

不反則死 陽明脈解論厥逆連藏則死連經則生

瘡俳煎厥 素脈解篇內奪而厥則為瘡俳此腎虛也

少陰不至者厥也肝氣當治而未得故善怒善怒者名

曰煎厥

劉河間地黃引子專治瘡俳

生氣通天論陽氣者煩勞則

張精絕辟積於夏使人煎厥

此當治肝脾之逆

薄厥 素生通天論陽氣者大怒則形氣絕而血菀於

上使人薄厥

此當治
血逆

陽明厥 素陽明脈解論陽明厥則喘而惋惋則惡人

少陰厥 素脈要精微論脈俱沉細數者少陰厥也

風厥 素評熱論汗出而身熱者風也汗出而煩滿不

解者厥也病名曰風厥

此當
治風

尸厥 素刺繆論五絡俱竭令人身脈皆動而形無知

也其狀若尸或曰尸厥

難經

督之為病脊強而厥

金匱

問曰寸脈沉大而滑沉則為實滑則為氣實氣相搏血氣入臟即死入腑即愈此為卒厥何謂也師曰唇口青身冷為入臟即死如身和汗自出為入腑即愈

卒厥之症頗似

中風一或誤治死不旋踵

傷寒論

寸口諸微亡陽諸濡亡血諸弱發熱諸緊為寒諸乘寒者則為厥鬱冒不仁以胃無穀氣脾瀆不通口急不能言戰而慄也 少陰脈不至腎氣微少精血奔氣促迫

上入胸膈宗氣反聚血結心下陽氣退下熱歸陰股與陰相動令身不仁此為尸厥 少陽厥陰俱病耳聾囊

縮而厥水漿不入不知人者六日死

此為寒厥

諸四逆厥者不可下之虛家亦然

以下所論諸條皆指傷寒症手足逆冷而

言非氣逆不傷寒始發熱六日厥反九日而利凡厥利

知人之厥也

者當不能食今反能食者恐為除中食以索餅不發熱者知胃氣尚勝必愈 傷寒一二日至四五日而厥者

必發熱前熱者後必厥厥深者熱亦深厥微者熱亦微

厥應下之而反發汗者必口傷爛赤

此為熱厥

凡厥者陰陽

氣不相順接便為厥

此致厥之由

厥者手足逆冷是也

此厥之象

傷寒脈微而厥至七八日膚冷其人躁無暫安時者此

為臟厥

傷寒熱少厥微指頭寒默默不欲食煩躁數

小便利色白者此熱除也欲得食其病為愈若厥而嘔

胸脇煩滿其後必便血

熱入裏

病者手足厥冷言我不結

胸小腹滿按之痛者此冷結在膀胱關元也 傷寒發

熱下利厥逆躁不卧者死

傷寒發熱下利至甚厥不

止者死

傷寒五六日不結胸腹濡脈虛復厥者不可

下此為亡血下之死

傷寒脈促手足厥逆者可灸之

下利手足厥冷無脈者灸之不溫若脈不還反微喘

者死

虛寒之厥

下利後脈絕手足厥冷晡時脈還手足溫者

生脈不還者死

病人手足厥冷脈乍結以客氣在胸

中心中滿而煩欲食不能食者病在胸中當吐之

傷寒論中

厥症諸條有寒有熱有虛有實有寒熱互乘其變不一隨病異形非厥之正病也尤不可不潛心體察凡一病其變態不同如此何可執一說以人命為兒戲耶

厥方

尸厥方

素問

以竹管吹其兩耳鬢

鬢剃同

其左角之髮方

一寸燔治飲以美酒

燔治燒為末也

赤圓

金匱

寒氣厥逆主之

茯苓

半夏

各四兩洗一方用桂

烏頭

二兩泡

細辛

一兩千金作人參

右六味末之內真朱為色煉蜜丸如麻子大先食酒

飲下三九日再夜一服不知稍增之以知為度

真朱即硃

砂

茯苓甘草湯

傷寒論

傷寒厥而心下悸者宜先治水當服

此湯却治其厥不爾水漬入胃必作利也

茯苓

二兩

桂枝

二兩

生草

一兩炙

生薑

二兩

右四味水四升煮取二升分溫三服

尸蹙方

金匱

治尸蹙脈動而無氣氣閉不通故靜而死

也草蒲屑內鼻兩孔中吹之令人以桂屑著舌下

白薇湯

本事方

人平居無苦疾忽如死人身不動搖默默

不知人目閉不能開口瘡不能言或微知人或惡聞人聲但如眩冒移時方寤此由出汗過多血少氣併於陽獨上而不下氣壅塞而不行故身如死氣過血還陰陽復通移時方寤名曰鬱冒亦名血厥婦人多有之宜服

白薇

當歸

各一兩

人參

甘草

各一錢

右為粗末每服五錢水二盞煎至一盞去滓溫服

此病

最多而婦科皆不知無不誤治

四逆湯

傷寒論

下利厥逆而惡寒者主之大汗若大下利

而冷厥者亦主之

方見傷寒

通脈四逆湯

傷寒論

下利清穀裏寒外熱汗出而厥者主

之

方見通治

附加減法如面色赤者加葱九莖腹中

痛者去葱加芍藥二兩嘔者加生薑二兩咽痛

者去芍藥加桔梗一兩利止脈不出者去桔梗加

人參一兩

當歸四逆湯

傷寒論

手足厥冷脈細欲絕者主之

方見傷寒以

上三方皆治寒極之厥與熱厥正相反須辨之

瓜蒂散

白虎湯

此治熱厥二方俱見傷寒

烏梅丸

此治虫厥見虫門蘇

合香丸

此治氣厥

四磨飲

至寶丹

以上三方俱見通治

虛勞

金匱

夫男子平人脈大為勞極虛亦為勞 男子面色薄者

主渴及亡血卒喘悸脈浮者裏虛也 男子脈虛沉弦
無寒熱短氣裏急小便不利面赤白時目瞋兼衄少腹
滿此為勞使之然 勞之為病其脈浮大手足煩春夏
劇秋冬瘡陰寒精自出酸削不能行 男子脈浮弱而
濇為無子精氣清冷 男子平人脈虛弱細微者喜盜
汗也 人年五六十其病脈大者痺俠背行若腸鳴馬
刀俠瘦者皆為勞得之 脈沉小遲名脫氣其人疾行
則喘喝手足逆寒腹滿甚則溇泄食不消化也 脈弦

而大弦則為減大則為亢減則為寒亢則為虛虛寒相搏此名為草婦人則半產漏下男子則亡血失精

古人所謂

虛勞皆是純虛無陽之症與近日之陰虛火旺吐血咳嗽者正相反誤治必斃近日吐血咳嗽之病乃是血症有似虛勞其實非虛勞也

病源

夫虛勞者五勞六極七傷是也五勞者一曰志勞二曰思勞三曰心勞四曰憂勞五曰瘦勞六極者一曰氣極二曰血極三曰筋極四曰骨極五曰肌極六曰精極七

傷者一曰陰寒二曰陰萎三曰陰急四曰精連連五曰精少陰下濕六曰精清七曰小便苦數臨事不卒

五蒸一骨蒸根在腎二脈蒸根在心三皮蒸根在肺四肉蒸根在脾五內蒸亦名血蒸必外寒而內熱把手附骨而內熱甚根在五臟六腑 又有二十三蒸各有症名

肺勞者短氣面腫鼻不聞香臭 肝勞者面目乾黑口苦精神不守恐懼不能獨卧目視不明 心勞者忽忽

喜忘大便苦難或時鴨糖口内生瘡 脾勞者舌苦直
不能咽唾 腎勞者背難以俛仰小便不利色赤黃而
有餘瀝莖內痛陰濕囊生瘡小腹滿急

此乃五臟之勞

虛勞方

桂枝加龍骨牡蠣湯

金匱

失精家少腹弦急陰頭寒目

弦

一作頭
眩痛

髮落脈極虛乳遲為清穀亡血失精脈得

諸乳動微緊男子失精女子夢交此湯主之

桂枝

二兩

芍藥

生薑

各三兩

甘草

二兩

大棗

十二枚

龍骨

牡蠣

各三兩

右七味以水七升煮取三升分溫三服

脈極虛乾遲乃為虛寒之

症故用桂枝及建中等湯若嗽血而脈數者乃陰虛之症與此相反誤用必斃

薯蕷丸

金匱

虛勞諸不足風氣百疾主之

薯蕷

三十

當歸

桂枝

麴

乾地黄

豆黃卷

各十分

甘草

二十

人參

十分

芎藭

芍藥

白朮

麥門冬

各六分

柴胡

桔梗

茯苓

各五分
阿膠

七分

杏仁

六分

乾薑

三分

白飲

二分

防風

六分
大棗 百枚
為膏

右二十一味末之煉蜜和丸如彈子大空腹酒服一
丸一百丸為劑

大黃廔虫丸 金匱 五勞虛極羸瘦腹滿不能飲食食傷

憂傷飲傷房室傷饑傷勞傷經絡榮衛氣傷內有乾
血肌膚甲錯兩目暗黑此丸主之

大黃 十分
蒸 黃芩 二兩 甘草 三兩 桃仁 一升 杏仁 一升

芍藥 四兩 乾地黄 十兩 蟬蛸 一升 乾漆 一兩 蟲虫 一

升水蛭 百枚 廩虫 半斤

右十二味末之煉蜜為丸小豆大酒飲服五九日三

服血乾則結而不散非草木之品所能下必用食血之虫以化之此方專治瘀血成勞之症瘀不除

則正氣永無復理故去病即所以補虛也

治夢洩精方 千金

韭子 一升

右為末酒服方寸匕日三服立效

羌活補體丸 千金

療髓虛腦痛不安胆腑中寒

羌活

川芎

當歸

各三兩

桂心

二兩

人參

四兩

酥

一升

大麻仁

二升熬研脂

棗肉

一斤研脂

牛髓

羊髓

各一

升

右十味先篩前五味為散後用棗肉麻仁打勻再下

二髓及酥重湯煮之為丸桐子大酒服三十九日再

服

肘後獼猴肝散

金匱附方

治冷勞又主鬼症一門相染

獼猴肝

一具炙乾末之

右水服方寸匕日三服

骨蒸方

千金

療熱骨蒸羸瘦煩悶短氣喘息兩鼻孔張

日西即發

龍胆

黃連

枯薑

各一兩

梔子

二七枚擘

芒硝

半兩

青箱子

苦參

大黃

黃芩

芍藥

各半

兩

右十一味搗篩為末煉蜜和丸如梧子大飲服十九

日二服以知為度

此為純寒之劑實熱者宜之

救急療瘦疾方

外臺

炙甘草

三兩

右一味小便煮服

用小便奇此方亦治咽痛

口乾方

外臺

療脾熱脇痛熱滿不歇目赤不止口唇乾

裂

石膏

碎綿裹

生地汁

赤蜜

各一升

淡竹葉

五升切

右四味水一斗二升先煮竹葉取七升去滓煮石膏

取一升五合去滓納地黃汁煮二三沸下蜜煎三升

細服

傳屍勞方

外臺

獺肝

一具破乾炙

鱉甲

一枚炙

野狸頭

一枚炙

紫苑

四分

漢防

已

一兩半

蜀漆

洗

麥冬

甘草

炙各一兩

右藥搗篩已成煉烱羊腎脂二分合蜜一分烱令和

丸桐子大每服十九丸加至十五丸日再其藥合和分

一分懸門額上一分著頭邊一分繫臂上先服頭邊

次服臂上次服門上大驗

秦朮驚甲散

寶鑑

治骨蒸壯熱肌肉消瘦舌紅頰赤氣

粗困倦盜汗

驚甲

柴胡

地骨皮

各一兩

秦朮

知母

當歸

各五錢

右為末每半兩入烏梅一枚青蒿五葉同煎臨卧空

心溫服

秦朮扶羸湯

直指

治肺痿骨蒸勞嗽聲啞自汗體倦

驚甲

秦朮

當歸

人參

各一錢半

柴胡

二錢

地骨皮

紫苑

半夏

甘草

各一錢

右九味加薑棗煎服

十味煎

外臺

治凡病在胸膈上者宜飽服而在夜肺既

居上則病在上晝宜服九夜宜合桑白皮汁等服

桑白皮

一升

地骨皮

三升

二味以水七升煮取三升

去渣澄清

生地汁

五升

麥冬汁

二升

生薑汁

一

升竹瀝

生葛根汁

各三升

白蜜

一升

牛酥

三合

大

棗一升

右十味先煮生地以下葛根以上和煎減半則內桑皮等和煎之三分減一則內酥蜜棗等藥攪之勿停手如稠飴狀每服胡桃大一枚含之

滋潤肺經此為第一薑汁宜用

少許

百花煎

類方奇要

治吐血咳嗽補肺

生地汁

藕汁

黃牛乳

各一升

胡桃

十枚

黃明

膠

炙燥末半兩阿膠尤佳

生薑汁

半升

乾柿

五枚細研

大棗

二十一枚煮去

皮核清酒一升

秦朮

半兩末秦朮味太苦當用薄荷或蘇子汁

杏仁

三兩細

右藥煎減半入好蜜四兩漫火養成入磁器服一匙

米飲調下日三

方內薑汁太多
宜減去大半

人參蛤蚧散

實鑑

治二三年間肺逆喘嗽咯吐膿血滿

面生瘡遍身黃腫

蛤蚧

一對全者河水浸五宿逐日換水洗去腥氣酥炙黃

杏仁

五兩

甘草

炙三兩

人參

茯苓

貝母

知母

桑白皮

各二兩

兩

右為細末磁器內盛每日如茶點服神效

金鎖固精丸

治夢遺滑精

芡實

蓮鬚

茯苓

各二兩

龍骨

一兩酥炙

牡蠣

煨四兩

右以蓮子粉糊丸服鹽湯送下

金鎖丹

本事

治夢泄遺精關鎖不固

茴香

葫蘆巴

破故紙

炒

白龍骨

各一兩

木

香

一兩五錢

胡桃

三十個研膏

羊腎

三對切開用鹽擦炙熟搗膏

右為末和二膏研勻酒浸煮熟丸桐子大每服三五

十丸鹽湯下

金鎖正元丹

局方

治真氣不足元臟虛弱四肢倦怠百

節酸疼精神昏困手足多冷心忪盜汗飲食減少小

便滑數遺精白濁

五倍子

茯苓

各八兩

補骨脂

十兩

紫巴戟

去心胡

蘆巴

炒

從蓉

洗淨各一斤

硃砂

別研

龍骨

各三兩

右為細末入研令勻酒糊為丸如桐子大每服十五

丸至二十九空心食前溫酒或鹽湯下

犀角紫河車丸

寶鑑

治傳尸勞三月必平復其餘勞症

即消數服神效

紫河車

一具米泔浸一宿洗淨焙乾

鱉甲

酥炙

桔梗

胡黃連

白芍

敗鼓皮心

醋炙

大黃

貝母

龍胆草

黃藥子

知母

各二錢半

芒硝

犀角

鎔

硃砂

各二錢研

右為末蜜丸桐子大硃砂為衣空心溫酒服二十九如膈熱食後服重病不過一料

小建中湯

金匱

黃芪建中湯

金匱

炙甘草湯

金匱附方

大建中湯

八味地黄丸

金匱

人參養榮湯

局方

玉膏

生地黄煎

外臺

四物二連湯

元戎

以上九方俱見通治

消症

附強中

靈素

靈師傳篇胃中熱則消穀令人懸心善饑

素氣厥論心移寒於肺肺消肺消者飲一溲二死不治

陰陽別論二陽之病發心脾有不得隱曲女子不月其

傳為風消其傳為息責死不治

氣厥論心移熱於肺

傳為鬲消

金匱

厥陰之為病消渴氣上衝心中疼熱饑而不欲食食

即吐衄下之不肯止

此症不可
誤認衄厥

病源

夫消渴者渴不止小便多是也其病變多發癰疽此坐
熱氣留於經絡血氣壅澁故成癰膿 內消病者不渴
而小便多是也利多不得潤養五臟臟衰則生諸病由

腎盛之時恣意快情致使虛耗故不渴而小便多也
強中病者莖長興盛不痿精液自出由少服五石熱住
於腎中下焦虛少壯之時血氣尚豐能制於五石及至
年衰血氣減少腎虛不復能制津液若精液竭則諸病
生矣

消症方

文蛤散

金匱

渴欲飲水不止者主之

傷寒論治心煩

肉上粟起意欲飲水反不渴者

文蛤

五兩

上一味杵為散以沸湯五合和服方寸匕

欲飲而不渴乃胸中有水而口燥也

消渴方

千金

栝蒌根

生薑

麥冬

蘆根

切各二升

茅根

切三

升

右五味咬咀以水一斗煮取三升分三服

此清胃之圭方

茯神湯

千金

洩熱止渴治胃腑實熱引飲常渴者

茯神

二兩

栝蒌根

五兩

生麥冬

五兩

萎蕤

四兩

知母

四兩 生地黃

六兩

小麥

二升

大棗

二十枝

淡竹葉

切三升

右九味以水三斗煮小麥竹葉取九升去渣下藥煮取四升分四服不問早晚但渴即進通治渴患熱者

黃連圓治渴方

千金

黃連

一斤

生地黃

一斤

右二味絞地黃汁浸黃連出曝燥復內汁中令汁盡乾搗末蜜丸桐子大服二十丸日三食前後無拘亦可為散酒服方寸匕

此治胃中有伏火之方製法神妙本事方用冬瓜汁收入黃

連內為九即以冬瓜汁煎大麥仁湯
下亦仿此義則知多吃冬瓜亦妙也

桑根湯

千金翼

主日飲一石水方

桑根白皮

切五升入地三尺者良炙令黃黑

右一味水煮以味濃為度適寒溫任性飲戒食鹽

神效散

本事方

治渴疾飲水不止

白浮石

蛤粉

蟬蛻

各等分

右細末用鯽魚胆七個調三錢服不拘時候神效

猪腎薺芩湯

千金

強中之病莖長興盛不交精液自出

消渴之後即作癰疽皆由石熱凡如此等宜服

猪腎一只

大豆

一升

薺莖

三兩

人參

石膏

各三兩

茯苓

磁石

綿裹

知母

葛根

黃芩

甘草

栝蒌根

各二兩

右十二味咬咀以水一斗五升先煮猪腎大豆取一

斗去渣下藥煮取三升分三服渴即飲之下焦熱者

夜輒合一劑病勢漸歇即止

此乃腎熱之症因藥毒所發與胃熱之消渴各

殊

腎氣丸

治見通

白虎人參湯

見賜


栝蒌瞿麥圓

方見淋閉

療唇

口乾裂方

見虛勞



蘭臺軌範卷二